

97.451
5339
225


25

丹陽集



Inches
Centimetres
1
2
3
4
5
6
7
8
9
10
11
12
13
14
15
16
17
18
19
20
TIPPEN Color Control Patches
© Tiffen Company, 2007

0 1 2 3 4 5 6 7 8 9 10 11 12 13 14 15 16 17 18



廿	月
四	陽
養	養



卷緒丙昌卷誰盛
 氏用
 鈔本開卷
 內爛閣禮

欽定四庫全書總目卷一百五十六

丹陽集二十四卷

宋葛勝仲撰勝仲字魯卿丹陽人紹聖四年進士又試學官
 及詞科俱第一官至華文閣待制知湖州紹興元年乞祠歸
 十四年卒諡文康事蹟具宋史文苑傳據其壻章傑所作行
 狀稱有文集八十卷外集二十卷初刊版於真州兵燹殘闕
 隆興甲寅知州事宋曉修補之自跋其後淳熙丙午知州事
 姚格又為重鋟中書舍人王信為之跋自明以來傳本遂絕
 今據永樂大典所載以類哀輯得文十五卷詩七卷詩餘一
 卷又附錄行狀諡議為一卷共成二十四卷王信跋及章傑
 行狀並稱宣和北伐之時勝仲遺書蔡京力言其不可然宋
 史本傳不載此事集中亦無此書又稱由兗州教授入為太
 學正時上幸學多獻頌者勝仲獨獻賦上命中書第其優劣
 勝仲為首今集中亦無此賦他如本傳所載論郭天信不當



提舉議曆所論僖祖廟增置殿室不必毀其奏議並佚不存
又所稱官諭德時爲仁孝學三論獻太子者今惟存孝論學
論而仁論竟無可考則其散佚者已多然觀其四分之一亦
足以見其大凡矣勝仲爲太府少卿時能拒盛章之援引知
汝州時能拒李彥之括斂知湖州時能拒朱勔之求白雀鵝
鵝其氣節甚偉歷典諸州皆有幹略再知湖州遭逢寇亂復
有全城之功其宦績亦足以自傳本不盡以文章重卽以文
章論之在南北宋間亦褻然一作者也歐陽修嘗輯建隆至
治平故事爲太常因革禮一百篇勝仲官太常卿時復手續
其書爲三百卷故於當代典制最嫻官諭德時嘗纂歷代太
子事蹟爲承華詔嫩又考論諸史爲評古篇故於古今成敗
最悉崇寧三年居父喪盡閱釋氏大藏經故所著作往往闡
明佛理惟青詞功德疏教坊致語之類沿宋人陋例一概濫
載於集中殊乖文體流傳旣久姑仍其舊付諸無譏之列可

矣

欽定四庫全書總目卷一百九十八

丹陽詞一卷

宋葛勝仲撰勝仲有丹陽集已著錄其詞則書錄解題別載
一卷此爲毛晉所刻蓋其單行之本也勝仲與葉夢得酬唱
頗多而品格亦復相埒惟葉詞中有鷓鴣天次魯卿韻觀太
湖一闕此卷內未見原唱而此卷有定風波燕駱駝橋次少
蘊韻二闕葉詞內亦未見非當時有所刊削卽傳寫佚脫至
浣溪沙三首在葉詞以爲次魯卿韻在此卷又以爲和少蘊
韻則兩者必有一謬不可得而復考矣其江城子後闕押翁
字韻益可證葉詞復押宮字之誤鷓鴣天生辰一詞獨用仄
韻諸家皆無是體據調當改木蘭花至於字句譌闕凡永樂
大典所載者如鷓鴣天後闕懽華本作懽娛第二首後闕紅
囊本作紅裳西江月第二首後闕榮塗本作榮塗臨江仙第

三首後闕搗鼓本作醜鼓浣溪沙第二首後闕容貌本作容
 見驀山溪第一首前闕短服本作袷服摸名本作摸石第二
 首後闕橫石亦本作摸石第三首前闕使登榮本作便登榮
 隨柳岸本作隋岸柳西江月第三首後闕鱸魚本作鱸尊瑞
 鷓鴣後闕還過本作還遇江城子第二首後闕歌鐘下本有
 捲簾風三字蝶戀花後闕今本作二方空者本黃紙二字龍
 獲本作龍護臨江仙前闕儒似本作臞仙第二首後闕今本
 闕十二字本作憑誰都卷入芳尊賦歸歡靖節二句醉花陰
 前闕凍捩萬林梅句本作凍拚萬林梅浪淘沙第二首後闕
 關宴本作開燕皆可證此本校離之疏又永樂大典本尚有
 小飲浣溪沙一首九日南鄉子一首題靈山廣瑞禪院虞美
 人一首為是本所無則譌脫又不止字句矣


文康葛公丹陽集序


據鴻慶居士集補入

孔子之徒三千設四科列顏閔以下十人而文學政事雖游夏由
 求之賢不可得兼也將相大臣端委一堂折衝萬里之外以身進
 退為國輕重其視文章一小技耳固無羨乎空言儒學之士奮奇
 事主以就功名時命大謬則退處一室著書立言張皇大中以啟
 悟後覺雖不能見於事業亦足以不朽矣二者不可得兼亦其勢
 然歟左宣奉大夫顯謨閣待制丹陽葛公自髫髻以奇童名里中
 年十六隨計詣京師連三薦至禮部遂收其科文節林公子中愛
 其文薦試學官公以詩書禮三經應詔又試宏詞皆中第於是名
 聲隱然動京師始去州縣更內外學官之選校中祕書入尚書為
 郎當是時天子輯瑞應講蒐獮報禮上下四方以符瑞來告者不
 可勝數大臣表賀皆出公手瓊奇英麗獨步一時公卿大夫交口
 譽之咸謂公即日典司制命施之朝廷薦之郊廟以追湯盤周誥
 商詩魯頌之作稍遷太常少卿國子祭酒擢大司成遂躋法從會

新宰相用事與公有連補郡去國竟不復召公聰明疏達數典大
州首除一二兇猾之亂治者實諸法然後簡節疏日以柔道理之
尤詳於折獄躬自臨聽不以屬吏往往得其情於片言以故所泣
多平反無侵冤者燕山之役詔州縣率免夫錢而以乏軍興俟官
吏之不如詔者公時守湖廣六縣民力所堪奏蠲其半湖人至今
思之公施於政事類如此既歿有司議行易名以道德博聞曰文
安樂撫民曰康應二法諡曰文康政事文學可謂得兼之而卒不
大用可爲天下惜者也公之子吏部侍郎立方哀公詩文爲八十
卷號文康葛公丹陽集自天經地業五材萬物變化隱顯鉅細之
要世治亂人賢不肖事之得失是非興壞之理盡載此書而尤善
爲詩喜怒窮泰悲憂愉快凌高眺迴飲酒歡呼雜然有觸於中則
大篇長句援筆立成不改定一字非如前世之士以一能一技列
於儒林者比也覲與公同州里視公爲前輩盛德而與公羣從游
最久故蓄公詩文爲多校今所藏猶有在八十卷之外者侍郎公

方紀次別集未出也殘年投老復覩鉅麗如獲拱寶三歎之餘乃
序次以爲書首公諱勝仲字魯卿常州江陰縣人遺奏上贈特進
云孫覲撰





丹陽集目錄

○卷之一

劄子

進養士圖籍劄子

乞以學書上御府并藏辟廡劄子

辭免太子右諭德劄子

辭免大司成劄子

表

賀皇帝元會御大慶殿表

賀太上皇表

賀孝慈淵聖皇帝登寶位表

賀今上皇帝登寶位表

賀冊元符太后表

賀立皇后表

代慰欽成太皇后耐廟表

代慰欽聖太后耐廟表二首

代慰欽慈太皇后耐廟表

徽宗皇帝顯肅皇后懿節皇后梓宮還闕表

慰隆祐皇太后上仙表

慰懿節皇后上仙表

代慰聖瑞太妃薨表

賀正旦表二首

天申節賀表

賀明堂大禮表

天寧節賀表

天寧節進銀絹表

天寧節進折銀錢表

進奉天寧節功德疏謝書表

賀燕樂表

賀日戴承氣表二首

賀日蝕不及分表

賀日蝕陰雲不見表

賀慶雲表

賀收復遼州表

賀收復燕山府表

賀遼州芝草表

賀瑞石表二首

賀水晶大花金瑪瑙興發表

進奉生擒睦賊渠魁馬謝詔書表

謝收復燕雲進馬賜詔書表

表

○卷之二

謝特賜諡先考清孝表

謝降詔不允乞外任表

休寧知縣謝上表

大司成謝上表

謝江州太平觀表

謝復右文殿修撰表

汝州到任謝表

謝改寶豐縣名表

為輒奏儀曹馬俊公事放罪謝表

謝除顯謨閣待制表

湖州謝到任表

鄧州謝上表

再任湖州謝表

謝除顯謨閣待制表

謝賜曆日表五首

代皇子辭官表

代皇子再辭官表

代皇子謝授官表

代謝賜名表

代嗣濮王謝升等表

代謝宣詔再入翰林表

代謝不允乞外表

代辭官表

代謝授官表

代謝朝參減拜表

代謝敕設表

代兗州謝上表

代謝賜御書千字表

代謝對衣金帶馬表

代高麗王謝賜太平御覽表

○卷之三

書

上揚州蹇尚書

上兗州太守書

答李集正書

上監職書

謝曾運使書

上白祭酒書

回施仲廉秀才書

上前宰相書

答王齋長書

答李解元書

與程嘉量秀才書

與制置發運書

答顏教授書

與胡學士書

○卷之四

啟

謝試宏詞及三經義入等啟

兗州教授謝到任啟

與提學殿院啟

賀鄆帥岑待制啟

賀兗守祝刑部啟

與運使啟四首

謝邳教授啟

謝宮使保和啟

謝除館職啟

謝監職薦縣令應詔啟

賀中書舍人啟

賀耿左丞啟

上左丞啟

答何狀元啟

回王狀元啟

回第一人董狀元啟

答盛學士啟

答鄭學士啟

賀韓學士啟

賀黃學士啟

答武學李博士子奇啟

與運使啟二首

謝江陰曹縣尉襲啟

○卷之五

啟

復修撰謝兩府啟

汝州到任謝兩府啟

賀趙鎮撫啟

賀運使劉龍圖啟

賀運使郎中學士啟

與運使啟

賀胡發運啟

賀提刑啟

答秀州知府曾學士啟

賀金陵曾修撰孝蘊啟

賀王修撰啟

回河陽王待制啟

賀冬啟二首

答周舍人賀冬啟

謝王奉議以盛啟

答卓奉議啟

答張省幹啟

答孫宣教啟二首

答曹宣教啟

答張學銘啟

除顯謨閣待制謝兩府啟

賀太宰啟

湖州到任謝兩府啟

答海門知縣啟

答王知縣啟

鄧州到任謝執政啟

鄧州謝范左丞啟

與范左丞致虛啟

再與范左丞啟

上執政啟

賀提舉監丞啟

賀湖州秦守啟

賀宇文寶文時中知湖州啟

賀陳大資與義知湖州啟

賀汪少卿思溫知湖州啟

謝蔣縣丞汝功啟

賀中書侍郎啟

賀范畱守致虛啟

賀平江知府胡舍人啟

賀吳少宰啟

又賀少宰啟

賀張樞密啟

賀樞密啟

賀富樞密啟

○卷之六

啟

謝修撰啟

湖州到任謝兩府啟

湖州到任謝監職啟

上監職啟二首

代謝改官啟

策問

治德

治功

治效

官制

官方

選舉

考察

取士

士習

勸學

試士

富強

食貨

藩鎮

遠識

靖民

律令

○卷之七

論

孝論

學論

齊論

南齊論

梁論

陳論

論魏博

論彰義

論鎮冀

論盧龍

論澤潞

外戚論

衛青論

○卷之八

記

重摹太宗皇帝御書飛白玉堂記

宗正寺少卿壁記

軍學記

錢氏遂初亭記

序

陳去非詩集序

中散兄詩集序

舅氏續千字文序

段佛教授字序

贊能長老字序

書後

書淵明集後三首

○卷之九

頌

端誠殿芝草頌 并序

銘

湖州烏程縣烏墩鎮普靜寺觀音閣銘 并序

歙州祁門縣青蘿山辟支佛舍利銘 并序

景德寺新鐘銘

贊

十八羅漢贊 并序

一尊者手擎巨石通長臂一鬼舒掌一鬼護頭各怖走

一尊者面山石而立手執磬并桴下施斛食眾鬼爭取

一尊者乘六牙象沙彌一人執手鑑其前

一尊者坐石縫雲衲小童穿鍼供之

一尊者坐石巖中眉長數尺自以二手持之旁有石盆銅鑑

一尊者在山中綠竹黃雲間桃花飄灑雲中見樓閣旌幡尊者

執錫杖立水中

一尊者坐石上龍王遣鬼使持疏請齋尊者以手接之

一尊者□□使襪經于匣立其旁宰官錦衣玉帶合掌而立

一尊者手執劍立大海波中成黃沙地旁有鬼使

一尊者立海波中左擎一珠右執錫杖有二怪魚昂首

一尊者白衣戴佛一軀一宰官端笏立飛鳥銜花

一尊者乘一角獸有紅雲數層手執如意

一尊者坐磐石手執經策空中有鳥銜花

一尊者燕坐上有白雲蠻奴持經襪之僧及居士膝跪

一尊者坐石上白毫光中見小紅塔鬼使擎拳禮拜
一尊者衣帶有刀尺拂子等手持衣帶而不繫旁有執錫杖人
以刀解取諸物而不可得

一尊者坐石上黃雲中有毒龍頭爪湧出尊者舒肘托鉢以手
指龍若使入鉢中

一尊者倚杖濯足于蓮花池中

○卷之十

跋

跋錢伸仲東坡詩卷

跋曹職方詩卷

跋洪慶善所藏東坡書杜詩并判訟牒

跋褚遂良臨蘭亭帖

跋吳子華帖

跋洪慶善所藏本朝韓范諸公帖

跋蔡君謨帖

跋君謨與唐彥猷論其弟直諫帖

跋法照閣黎君謨帖

跋蔡潮州予大父草書帖

跋魯公與李禹并林文節公與其祖帖

跋河中守章公授刺血上表乞父內徙帖

跋陳去非右丞畫山水

跋醉道士圖

跋與可竹

題佛本行經

跋劉知言默所書華嚴經

跋道雲刺血書經

跋涵山法清師書法華經

書周仲嘉發菩提心語後

○卷十一

文

汝州勸農文

擬明節皇后奉上冊寶前一日奉告太廟別廟德隆殿明節皇后

本陵祝文

初蒞任祀神文三首

天齊神聖帝祝文

南郊赦後祝文三首

祈晴文五首

祈晴文

謝晴文四首

觀音廟謝晴文

諸廟謝晴文二首

蔣山謝晴文

秋賽諸廟祝文

祈雪文二首

謝雪文三首

顏魯公祝文二首

睿謨殿上梁文

重建顯謨閣上梁文

重建龍圖等閣上梁文

建太廟上梁文

建齋宮上梁文

賀金溪新居上梁文

樂語

教坊致語

句合曲

句小兒隊

隊名

問小兒隊

小兒致語

句雜劇

放小兒隊

句女童隊

隊名

問女童隊

女童致語

句雜劇

放女童隊

墓志銘

故顯謨閣直學士魏公墓志銘

丹集目錄

二

樞密吳公墓志銘

朝奉大夫吳公墓志銘

朝議大夫施公墓志銘

○卷十三

墓志銘

左朝議大夫致仕祝公墓志銘

朝散大夫致仕柱國賜紫金魚袋侍其公墓志銘

右朝散大夫侍其公墓志銘

左丞議郎致仕丁公墓志銘

丞議郎王公墓志銘

奉議郎致仕周公墓志銘

右奉議郎致仕賜緋魚袋魯公墓志銘

○卷十四

墓志銘

丹集目錄

二

宣議郎致仕王公墓志銘

文林郎姜公墓志銘

著作佐郎陶公墓志銘

江陰胡君墓志銘

江陰趙君墓志銘

中奉大夫葛公墓志銘

葛君墓志銘

張太安人王氏墓志銘

宜人蔡氏墓志銘

徐太令人葛氏墓志銘

妻碩人張氏墓志銘

○卷十五

行狀

朝奉郎累贈少師特諡清孝葛公行狀

大中大夫司成葛公行狀

祭文

祭慕容尙書文

祭劉尙書文

祭劉頌政文

祭王修撰文

平江祭外祖父母墓文

祭外舅張朝散文

再祭外舅文

祭張侍郎文

祭亡兄司成文

祭外姑壽安君文

祭亡嫂榮國太夫人盧氏文

祭施氏妹恭人文

○卷十六

四言詩

嘲茶山

茶山解嘲

五言古詩

閱訟訴忽病起臥少頃復視事

送鄧寧民罷瑕邱簿

次韻良器真意亭探韻

送曾守罷任赴闕四首

竟學敘舊呈子充

立秋日六兄將仕先入都赴銓試會飲東郊作詩送之

送友赴試鉅野送之西門時方有外舅之戚極目無聊歸不得臥

作詩五首卻寄以風雲入壯懷為韻

寄題長安譚損之遐觀閣

次韻張宏道勸釋奠致齋

次韻盧行之 知原見贈

次韻季明

再和示季明

誦金剛經滿二藏偶作

妙淨院

禪靜寺

采芝庵明辨師求泉名以月光命之

己丑次梅溪樂平寺兄子宗丞嘗監鎮卽寺為廨卒官晚之東莊

次去非韻簡元忠使君

九月二十四日陪少蘊左轄飲朱氏林亭以朱行中寄其弟詩為

韻席上同賦

蒙左轄復次韻見寄復賦一首

盆池放魚呈曹文中

辛卯次霧山大明院進士萬廷老介來謁
寄友卿窄韻一首

張周韓侍御遷居北市示詩次韻

朱偃吹笛

壬辰次靈峰山百福院

披雲崖

跋胡德輝理詩卷

德輝次舊韻見寄復和

題柘城懷古亭

癸巳次古浮山普慈寺

甲午次東天目山紫陽觀梁武初置昭明太子勒碑紀當時恩獎

乙未次普信院與首座惟表談道

余謫沙陽地僻家遠遇寒食如不知蓋閩人亦不甚重節也感而

賦詩五首以杜子美無家對寒食五字為韻
○卷十七

五言古詩

涉汝詩并序

再和涉汝詩呈去非伯仲

送姪元延之官

俞居易侯兄弟並時為屬邑長示其父所藏東坡送行詩用其韻

跋卷末

戊戌次福勝院

比作青蘿山塔記并徐敏求墓銘皆蒙宏道為書作詩以謝

次長清寺

至南陽卻寄吳興諸僚

與襄陽太守張亞仲顏幾汎漢江
襄陽大悲院作

乾明院作

游峴山

次韻葉夢得游西余山
柏說堂宴集晚移望嶽亭德升有詩復次韻

幽居夙興

蒙莫伯鎔餉酒攜卽菁村元舉山莊賞菊坐客皆稱歎以詩二首

謝

謝洛師蔡尹靖餉酒

和韻答馬用宏教朝散

用宏見和復和一首

海昌從中散兄游硤石東西山及讚山而別兄獨游黃灣諸山寺

寵寄三詩因追述前游卻寄

硤石寺聞擊豬明不能食

七月一日招道祖劇飲

諸人見和復次韻

次韻章堦道祖係山居

病起二首

立方和韻復和一首

錢氏通惠泉

謝興之餉魚肉二首

送同郡識上人游圓覺問道慈受

東莊院

中秋無月與伸仲飲書齋書呈伸仲因李白昔遊因衣大節呈

送伸仲歸漆塘以語及君臣際經書滿腹中為韻十首

明日元舉赴召見別用前韻送行

丁巳游大雄寺有陳朝檜

赭山承慶報慈禪院劉希範資政墳寺張參預為神道碑

戊午出長興郭汎西溪至清果院

戊午次吳山解空院乃端師子道場是日上巳呈法中禪老
己未次廣惠院
次吳粹老觀我齋詩

○卷十八
七言古詩
同子充游堯祠見交代李行正詩道用李太白舊韻因亦次韻呈

東子充
記夢詩
補之見和復次韻二首

從人求鮑魚
才馬河上書事呈提舉張聖用

謝人惠筍
喜元舉歸

試建溪新茶次元韻

次韻去非謝前教授餉澤州瓦硯

次韻去非題紫邏洞

次韻去非梅花

次韻去非畱別

喜宗丞姪病愈

奉同李倅安上賦崔白沐猴杏花

高君贄公嶽兼數職奔走疲甚以詩勞苦之

邑尉姜補之師仲枉詩甚寵率爾酬和

送許師應

少川兄貧瘁甚見屬求寓館未遇好事者聊作詩以寄因以速之

寄題吳江王文孺份解元臞庵

次韻慶善九日

再和慶善

送慶善之江陰

嘲淵明代答按原本此前有嘲淵明一首今編入七絕

依韻和子有教授姪寄雪詩

衛卿弟和詩佳甚復和一首

衛卿弟賦詩見貽和答一首時有從軍之興

明月峽

工部兄新治小閣壘土為火鑪戲作勸召客

大父通議無恙日開軒燕處有桐孤峙因名琴軒初不措琴嘗作

記敘意而偶失橐本故今家集不載比者興之姪閱故書得之

見貺喜而成詠呈六兄工部兼簡弟姪

諸人各見和復和一首

沈必先殿院與求用策字韻賦詩見贈謹依韻和時居盛林

蒙維心示謝必先尙書餉筆佳什時維心方刊正三國史輒依韻

攀和

次韻王得之方也父子翫月

楊泰初權縣丞數寄示詩文作詩紀謝

程良器嘉量解元許為寫照作詩求之

次韻范昌齡大有慶新居

先公忌飯僧悟空興之姪有詩和韻

贈星洲僧了然

和陳簡齋韻

依韻和興之姪

寄題仲仲芳美亭

圓復師將游四明用道祖韻作詩贈行

招道祖簽判嘗暑酌辱示佳篇記事輒依韻奉和且約再水釀云

二十五日道祖滄浪亭落成召會

流杯

次韻道祖大水

同道祖及子舍游茶山歸因成

新池水涸股引于前溪辱道祖來觀
初得庵基於菁山用立方韻請道祖同賦
道祖見和復賦一首
大暑新居納涼和小子韻

關目

立方闢小閣與之姪作詩勸會客次韻

○卷十九

五言律詩

次韻大人待次吳陵邑五首

和送張元方南京掾

題橫林館

題須江驛

次韻李子京宋城道中詩三首

寄題海會晚實軒

登攬雲亭和工部兄韻

次韻和慶善游圓覺寺歸四首時僕亦方自徑山歸

夜歸不寐

次韻慶善九日

慶善再和復和

幽居二首

卽事二首

試墨
微雨小飲客至闈人辭以出令追路已不及偶作

題庵壁

龍井

龍堂

觀山謁蔣叔明靜趙鄰叔汝翼二墳

昭懷皇后挽歌詞二首

李楚老尚書挽歌詞三首

方待制輓詞二首

莫子憲中奉挽歌詞三首

致政朝奉親家丁公安常挽歌詞二首

胡誠甫朝散挽歌詞

凌丞事挽詞二首

許處士挽詞二首

魯國太夫人楊氏挽歌詞四首

五言長律

學正郭勉夫示詩次韻答之

勉夫示詩鳴窮甚哀因次韻答之極其貧悴之態而卒勉之以科

舉庶廣其意也

中秋和韻

次韻逢叔喜雪

次韻李倅安上喜雪

再和

十二月初四日進吳山院

走筆追記十二月九日潭頭之游

十二月二十三日立春中散兄講棣華第六會是日天大雪小孫

女出綵幡勝及花柳精巧夜漏且五鼓方罷既歸不得寐偶成

律詩紀事拜呈中散兄兼簡公任阜民詳定侍郎道祖簽幕判

院朝提轄奉議卿任寶錄待制

六言詩

六月六日大暑市中無肉庖廚索然作六言三首

再和三首

七言律詩

二陳作書懷詩亦次韻

圓空訟息復遇肆眚庭事蕭然蒙良器解元寵詩輒以二章為謝

次德林新亭詩韻

次韻子充九日建天盛道場罷遂游堯祠

次韻德升游堯廟

九日汝明留郡中不遂同游以詩見寄次韻

題觀音院

諸生絕糧偶作二首示勉夫

次韻劉卿任阜民對假菊花嘗新酒

次韻德升見懷

次韻德升再講酬唱

次韻蔡安度秀才賦鹽

青州試院次監門韻四首呈同事李補之天啓簽判王立之柏劉

至父及二宰鄰存道與權司戶李志道致縣丞

再次韻四首呈至父

出院有期呈同院二首

次韻祝守康鹿鳴宴贈諸先輩二首

次韻祝邦直延題欽鳳泉

示友卿

次韻若拙碧綫泉

諸生詣府見留再任偶作示勉夫二首

次韻鄭維心游西奈山二首附七言律後

○卷二十

七言律詩

將至襄陵二首

君山飯僧薦考妣元述示詩次其韻

次韻敦仁教授述懷

近蒙夏蒙夫之文教授用贈太守韻見貽輒復和答

伏蒙達之學諭以詩寵眷生日次韻酬謝

段去塵教授示書以茶菊自況作詩謝之

旬休延聖院納涼周澶州招飲呈德升詩二首

元巳日王循德孝迪招飲方池宏道兄有詩奉和以紀一時之事

伯兄以家園亭名書壁閒因作

伯父致政通直取謝靈運詩句作蕭散堂賦詩次和寄二首

賀十八叔父及嬪氏受恩封

和克卿兄喜孝卿兄登科

堯卿兄改官升朝作詩紀賀三首

次韻堯卿兄詩酒中興二首

弈棋有進勸工部兄召客

次韻韓景賢承議自金陵沿檄宣歙道中見貽二首

五月望日會食普滿院夜歸作詩二首呈文中縣丞玉老禪師江

敦王或

二十四日葉氏林亭燕集成句呈文中縣丞

葉佐卿隆見和復次韻答之

國卦卦 戒將谷草皇三首

二月三日范風穴白雲寺呈賦二首

申林齊密巖別辭舍八 求為保官注 家便闕慨然慕之作詩二

穴巖潭大夫昌 具寄

攜飯畔惠茶用前韻按 海盜追憶歲 伯仲同奉版輿之樂感

滌茶賦 不惟解 格力清高 且以 敦孝悌而厚風俗昔

攜太安惠茶此 文非溫 雅乃別見孝悌之性因次

幽風書製六首

味目寒贈首并 序

穴贈答王贊貝韻

穴贈五男賻蕭貝寄二首

澄于文翰 賻賻并且 出卦 精具示穴贈二篇上呈

精對彥 師職方迎 親起關 三首

穴贈宏巖 三宮洞 園朝 余卦 報鱸 不果卦 惠四 勝以 詩紀 謝

封齋宮對前禹以顯茶寄玉輝二
蘇詩意相瀕式以歸埃關二首

蘇心以轉送芥果殊穴韻
穴韻王陪只斜又良容三首

精林寺
觀覺曾二首

真對點卦精示番岳曰此文非於
謝翅精不卦翰藝林代精高數日

周文之
戰對滋對城益益對舞舞與
大首自前

癸熊派門二命母年八十朱為
呈去非

味心蘇石林谷草堂三首

吾家故事子姪登第必有酬獻詩什去歲立悌立經二姪並中科

選未有慶以詩者偶示四韻

次韻覺心道人游郡園
留二季父二首

和若拙弟說汝州可居已約十一邱韻

次韻陸巖老詞部見寄五首

次韻何總管等慈寺詩二首

伯氏喪歸有日遣立口祭奠
次韻景純將赴襄陽眷戀里第

蒙若拙寵次陳敏彥
次韻宋景純寄陳去非昆仲
叔父承事用先公舊韻作詩次韻和呈
和元方寄若拙弟託覓顏淵之五十畝韻
蒙若拙見和復次韻

伏蒙孝立朝請同年赴九日燕集翌日以佳篇須酒謹依韻上謝
邇日詩卷承若拙編為小集見示且有詩因次韻

次韻景純後園宴集

景純到汝數日遽求別僕固不敢畱客然宋伯舉軒為兄蘇勤道

大空為婦之兄遽見去似非人情輒賦是詩率二僚畱之

懋南博士暫出邇邑以盛藻見觀謹依韻奉和二首

提宮工部兄攜家見過輒成律詩二首上呈

福國諱日壽寧院作呈工部兄

近闢祿隱軒建瓢飲亭季父以詩寄題和韻

次韻景純見寄敘相從之樂

奉酬景純道中見寄之什

友鄉寄詩并月波酒和其韻

次韻叔才幽居二首

次韻工部兄見寄三首

次韻叔才以詩卷見還有作
昌化紫霄閣次長老仲希賦

○卷二十一

七言律詩

去南陽有日書懷二首

郡齋書懷

南陽諸僚和畱別詩再和二首

還鄉有作二首

里中無居寓丹陽縣書懷呈邑宰張子蒙

戲書

依韻和工部兄尋由里山泉眼

依韻和工部兄雪五首

菁山梅花盛開予獨未之知十一月二十二日周元舉察院餉數

枝以詩謝之三首

次韻耿守詠雪

景山寺居大風步月

十二月十日汎舟以北風寒回棹

正月二十六日雪後登子亭示道祖

贈講華嚴惠照大師

贈深老

贈福勝院老僧有宣

春日野步二首

二月十五日游謝村福田院觀涅槃會寺乃靈運故宅呈道祖

天竺節感事示寶華鑑老

和西郊春事招元方同游韻

和元方用韻見寄次韻奉謝二首

追賢院食已度嶺歷宋胡諸庵轉山夜歸

定山寺

章申公墳寺

讀史二首

與工部兄邇歲離多會少樂少苦多述懷

和工部兄遷中散述懷韻

寄獻中散兄生辰

次韻大資節使薛公見詒二首

依韻和薛大資將往仙潭

次韻林茂南祀喜雪二首

僚佐再和後作二首

次韻中散兄及諸弟寄顧渚茶二首

哭衛卿弟三首

會夢良傳惠然見存出示詩十有七篇偶摭所遺成三篇已射

中散兄喜罷郡有詩次韻卻寄

次韻中散兄見寄

次韻錢仲伸仲見詒兼送別二首

題寄仲伸先塋瞻雲亭

喜中散兄將至

次韻中散兄將到先示詩

次韻中散兄喜雪二首

次韻中散兄二首

友鄉弟見和復賦二首

次韻維心二首

次韻葉少協夢齡汎舟

寄題拙臺

和小室韻

次韻朝隱招飲二首

招中散兄飲

次韻卿任賦立春

次韻道祖賦立春

喜晴

陳朝檜

春晝偶作次元述韻

次韻元述

卽事三首

村人寫子像卽景山飯道僧祈禱爲會頗盛

除夕郊居書懷

次韻德升頤軒書懷

次韻中散兄慶立方賜第

次韻邊公明知常放魚

次韻顏孝立天經同年

和必先龍圖謝酒兼呈沈次律瑄中大學士

贈史德謙

贈鮑欽止 慎由 二首

挽致政奉議魯公 壽寧 歌詞

張子蒙令君挽歌詞二首

大卿表兄莫公 平砥 挽歌詞二首

先兄中散挽歌詞四首

哀範卿學士弟

楊彥安 植 大夫挽歌詞

○卷二十二

七言絕句

讀史八首

王嘉

一馬融

陳蕃

鄧伯道

法真

王戎

沈約

王維

泮水

廟宅

靈光故基

望嶽亭

壽慶二邱

省習堂偶題

蒙文中縣丞以詩送苦筍走筆六首為謝

四月八日蒙文中餉黑飯作詩二首紀謝

比作黑飯新茶二首未蒙文中縣丞寵和走筆再賦以助一笑

從仁叔求楷笏四首

陪亞仲游習家池不攜妓偶作二首

少蘊內翰示和朱氏新治澗泉之什依韻和兩絕

次韻叔才見貽二首

尋山

山臺

鳳凰山泉石勝絕去城無幾里而前此未有知者偶因休吏與文

中良器二士訪尋得瓌奇卓絕之觀於荆棘草莽閒相顧大笑

因崇基址築亭榭且疏泉甃池為登臨嘯詠之地九月二十五

日游陟歸夜作小詩十首

再賦十絕

走筆再和鳳凰山十韻酬良器解元兼呈文中宣德

送靈浩江州般若之請三首

贈僧知先

庵僧善能求詩贈二絕句

靈山紀游

寄次顏叔時為蘇州庾官

題龍興寺顏魯公祠二首

友卿病起二絕句

游徑山蘊常上人字無可以山中秋日十詩求和因次韻

次韻劉無言山中五絕句敢請諸僚和之

游真意亭得二絕句示良器

嘲淵明

中庭雙柏

約特進河東相公元樞河南相公游菁山觀梅用前韻重賦五絕

以梅花餉富季申直柔樞密有詩三首謝次其韻

次韻胡汝明舜陟梅花下小飲三首

汝明以詩謝餉菊次韻二首

二聖圖書

夢良以書獻吉夢戲作二絕

書懷二首

雪意

雪中

雪中有懷舊游次友人韻

陪樞密富公游雪川即事呈三首

壘前韻三首

壘橋道中

七夕

次韻德升七夕二首

次韻德升頤軒詩五首

次韻德升惠新茶二首

新茶

烹茶

鱒魚

烹筍

友人惠芍藥并青梅一枝偶成三絕

以糟水灌芍藥戲題二首

山谷以寒巖子詩十二首作彙書詞筆俱絕裴繼之出示求跋因

題絕句

跋子猷訪戴圖

跋陶淵明歸去來圖

吳道子畫鬼

跋李伯時畫李玄通隨虎圖三首

跋黃魯直畫

畫竹二首

○卷二十三

詩餘

浣溪沙 詠梅

又 木芍藥三首

又 賞芍藥

又 少蘊內翰同年寵速且出後堂并製歌詞侑觴卽席和韻二首

又 小飲

又 少蘊內翰同年寵速遣妓隱簾吹笙因成一闕

又 訴衷情 友人生日

又 減字木蘭花 公弼姪初授官以此勸酒

又 西江月 正月十七日與文中自邑境徧游歛影祁門諸山水十九日在黟邑洞靈觀夜燕二首

又 三月初六日席上代監酒和

又 叔父慶八十會

又 與王庭錫登燕集作

醉花陰 次印師韻

瑞鷓鴣 工部兄七月一日生辰

浪淘沙 十月十九夜賞菊

又 九月十八日與千里賞菊三首

鷓鴣天 賞菊二首

又 九月十三日攜家遊真意亭燕集二首

又 新春

木蘭花 盧坤生辰

鵲橋仙 七夕二首

南鄉子 三月望日與文中諸賢汎舟南溪作

又 九日

又 九日用玉局翁韻作呈座上諸公

又 九日黃剛定再索席間作

虞美人 酬衛卿弟見贈二首

又 題靈山廣瑞禪院

又自蘭陵歸冬夜飲嚴州酒作

臨江仙 上巳日游海昌王氏園呈吳宰劬及中散兄

又燕諸部使者二首

又與葉少蘊夢得上巳游法華山九曲池流杯

又嘲尉姜補之託疾臥家

又席上和星中散兄及吳令三月初六日

又章園賞瑞香二首

又二月二十二日錦薰閣賞花詞

定風波 與葉少蘊陳經仲彥文燕駱駝橋二首

蜨戀花 春夜即事二首

又疊前韻二首

又和王廉訪

又二月十三日同安人生日作二首

又章道祖生日

漁家傲 初創真意亭於南溪游陟晚歸作二首

江城子 和無言雪詞

驀山溪 送李彥時

又天穿節和朱刑掾二首

滿庭芳 任昉嘗為新安太守風流名迹圖經史牒具載咸今懷古

江神子 初至休寧冬夜作 以下從毛刻六十家詞補錄

點絳脣 縣齋愁坐作

行香子 愁況無聊作

水調歌頭 程良器嘉量別賦一闕紀汎舟之會往返次韻三首

木蘭花 與諸人汎溪作

醉蓬萊 天寧節作

西江月 次韻林茂南博士杞汎溪

瑞鷓鴣 利通判送別

浪淘沙 將去南陽作

西江月

連水東樓燕集

又汎舟

江城子

呈劉無言肅

減字木蘭花

醉肇明二侍姬至葛山觀梅辭公會作

又病起不見杏花作

西江月

送衛卿弟赴定遠簿

浣溪沙

賞餘醺

○卷二十四

附錄

光緒丙申武進盛氏思惠齋刊臨桂況周儀陽湖吳文郁江寧馬長儒全校

丹陽集卷一

江陰葛勝仲魯卿

劄子

進養士圖籍劄子

臣竊以三代之盛班顯設之方允備於成周而周之隆教養作成之法獨推於文武文王之詩曰不顯亦臨無射亦保故其效至於多士以靈武王之詩曰豐水有芑武王豈不仕故其效至於無思不服雖聖人以神道設教其精神心術之妙不可推測意者殆將以作人顓俊為長久無窮之計非特用於一時以康庶事而已械樸云周王壽考遐不作人下武云於萬斯年不遐有佐故子孫賴之而國以長懋嗚呼盛哉天佑斯文越數千年而復生上聖應世覺民之迹若合符節惟皇帝陛下以徇齊淵懿之資履熙洽隆平之運聖學高明道心昭徹燭見治本在崇化厲賢故自躬斷以來首議學政大開靡類於以育眾才聯師儒而命之以賓興考勸之法革科舉循沿之陋升進之令類出於親製程試之文每塵於

乙覽一歲餼廩無慮數百萬別爲一司規畫均制不正於縣官而坐有餘資且命諸道各設常產以資永業行之十有餘年典法大備彬彬新美之才輩出而晏晏忠厚之俗已成雖詩歌文武之盛無以進焉既又命禮部以天下養士之額舍宇之數費用之多寡田業之頃畝載之圖籍掌在有司臣等恭承詔旨討論編次隨類編括竟有成書取大觀二年歲終爲率既以逐州縣離爲析數又以天下合爲總數凡二十有四路而中都兩學之費不與焉彼漢中世增弟子員三千人而唐太宗千一百區載之史牒已稱甚盛顧視今日何足道哉所有天下養士圖籍凡二十有五冊謹隨狀上進干冒宸展無任戰悸屏營之至

乞以學書上御府并藏辟離劄子

准大觀二年八月二十二日御筆禮部掌教養之事學之興內外協力今已就緒而養士之額舍宇之數費用之多寡田業之頃畝當識之圖籍掌在有司續准聖旨就差禮部長貳郎中編修并准

朝旨以大觀二年歲終數月供具本部卽不曾乞置專局糜費給緣大觀四年罷縣學并州縣小學給食及裁減學費舊所取會卻非的數遂乞別會政和元年歲終數編纂未了開承去年五月十七日勅學校之令並依大觀三年四月以前指揮合依元指揮以大觀三年歲終數編纂今已成書總天下二十四路教養大小學生以人計之凡一十六萬七千六百二十二學舍以楹計之凡九萬五千二百九十八學錢以緡計之歲所入凡三百五萬八千八百七十二所用凡二百六十七萬八千七百八十七學糧以斛計之歲所入凡六十四萬二百九十一所用凡三十三萬七千九百四十四學田以頃計之凡一十萬五千九百九十房廊以楹計之凡一十五萬五千四百五十四既以逐州縣離爲析數又以天下合爲總數凡二十有五冊而中都兩學之數不與焉恭惟陛下以有爲之資灼見治本不愛數百萬之費使隸學士之版者皆不家食所以加惠學者至深至厚又親灑宸翰製教養升進之法逮今

一紀人材作成典法大備調度有餘盡由朝廷興學之初經畫永久之計歲用不煩司農水衡而坐以贍足故其數之盛如此蓋自虞帝兩庠文武東西辟雖以來未之有也顧視漢唐規模陋狹志氣蹇淺何足爲盛時道臣等不勝大願伏乞以所編書依元詔書上於御府以其副藏辟雖并宣示史館使陛下甚盛德之舉詔億萬年垂示無極取進止

辭免太子右諭德劄子

臣伏睹御筆特除臣兼太子右諭德者螻蟻疏賤之臣濫膺聖擢循省恐悸不知所出竊以有周盛時妙簡賢智之臣以陪輔世子使日聞正言躬履正道如召公史佚之倫乃得爲之下至尊諭之官蓋亦未嘗不艱其選恭惟陛下盛德大業卓冠古初濬發明斷肇建儲位將以中春令日發冊路寢親御燕閒推擇僚寮而臣聞劣亦叩頭中選惟諭德之官委屬攸重非天下端士博聞有道術者豈稱拔舉伏念臣學識行詣無以加人雖屢塵科選薦被使令

而瑣瑣碌碌訖無銖髮之效今又超躐使贊德春闈雖仰戴君父生成之恩而退自省量大懼上玷明公登選伏望聖慈特寢成命改授雋傑使朝廷無虛授之嫌微臣免倖進之誚豈勝大願重念臣官卑在法不當辭寵迫於私義不敢輒貪非據謹冒昧自列干瀆天聽臣無任隕越俟命之至

辭免大司成劄子

臣准東上閣門告報已降告命除臣試大司成者卑賤之臣驟膺親擢聞命震怖不知所爲恭惟陛下大興庠序以興斯文聲教之遠外薄海表而成均辟雖之長實總中外學政非宿德名儒豈稱任使伏念臣孤愚一介經學淺薄徒知安分守義而行能器識無以逾人昨被選除再貳國子夙夜慙勉覲有毫髮之效而訖未有聞方懼曠官以干罪戾敢謂天慈不遺微品特加因任就進從班雖曲澤所加在臣至爲榮幸而公議可畏不敢輒冒非據之寵伏望睿明將行遷令追寢誤恩豈惟示名器之公亦以增學校之重

所有告命臣未敢祇受干冒天威臣無任屏營俟命之至

表

賀皇帝元會御大慶殿表

歲統開端夙設九賓之會人正謹始還來四海之圖受福無疆惟
皇作極中賀恭惟皇帝陛下推仁濟眾體道御時顯勳績則殆姚
妣之所無闢土疆則皆漢唐之未復車惟同軌瑞必應圖築黃金
之臺憂已消於北顧鏤白玉之牒禮方議於東巡屬三始之肇更
宜百祥之交擁臣叨膺銅虎之寄阻望雲龍之廷稱萬歲之觴莫
陪飲柏率百獸之舞但切傾葵無任

賀太上皇表

聖謨獨斷神器傳歸絲宗社於無疆淡人神而胥慶恭惟道君皇
帝陛下躋時嘉靖體道希微唐堯聞康衢之謠有熊喜大庭之館
謂青宮之預建顧黃屋以何心爰降冊書俾嗣曆服巍巍蕩蕩難
名不宰之功繼繼繩繩永昌無為之樂臣出尸祠館阻造朝班無

任

賀孝慈淵聖皇帝登寶位表

祇遵聖詔光紹皇圖曆數在躬華夷交戴中賀恭惟皇帝陛下睿
哲天縱欽明日躋主鬯十年懋毓震闡之德收畿千里益宅寰宇
之心駿命所歸神器允屬臣夙有厚幸蚤依末光奉匱以升寶相
降階之冠建儲之始首叨潛府之僚方茲聖作之初阻預班朝之
列無任

賀今上皇帝登寶位表

期安國步提億萬之全師遂享天心正九五之尊位黔黎有託社
稷載安中賀竊以祖宗德澤在人國家鼎祚方永強鄰侵擾神器
震搖天純祐於我邦時篤生於真主恭惟皇帝陛下欽聰若古勇
智在躬稟上聖之姿當中興之運慷慨奮發既宅四海之心委曲
全安益驗三神之助欽承初載溥協歡心而臣久冒寵榮粗有知
識體元居正既欣曆服之有歸戡亂定傾更識太平之可待無任

賀冊元符太后表

綉禮上儀肇舉宮闈之慶歡聲和氣鏘洋寰宇之傳家國同休人
天咸喜中賀恭惟皇帝陛下慕武王之繼志同季歷之因心深惟
寶昨之居臨實自先朝而弟及顧付託之恩無以報則友恭之義
致其隆內則睦族而斯變於時雍外則繼猷而力回於國是矧翼
室受遺之際賴椒房贊策之功屬憲府之建明委禮官而訂審肆
頒乎號申進顯名懿範徽音益播管彤之美仁風孝治遠形華裔
之瞻無任

賀立皇后表

帝度其心寅念人倫之本天作之合肆登邦媛之良化肇六宮歡
騰萬宇中賀恭惟皇帝陛下唐虞明德夏子丕圖謂二南爲王化
之基而五教乃天敘之典爰諏穀旦大正長秋彤管垂休將輔成
於陰教慈闈致養見永嗣於徽音臣服職祠庭庇身教澤欣聞椒
掖之孚號阻造楓宸而奉觴無任

代慰欽成太皇后耐廟表

寢園復土祇遵三月之期廟室靈神甫畢九虞之禮威靈燕預遐
邇盡傷恭惟皇帝陛下義極慎終孝深錫類篤敘乃父顧元豐宮
掖之賢則友其兄念永泰母儀之重追崇特異躋耐有嚴雖紫庭
永隔於音徽而清廟肅承於灌獻願寬惻怛少副瞻馳

代慰欽聖太后耐廟表二首

役回六遂悵復土於喬陵祭訖九虞肅躋神於清廟光靈肝鬲遐
邇盡傷恭以欽聖憲肅太后配德皇英軼功莘摯決定大策援聖
人於南面之尊退避寶圖復明辟於東朝之養歛上賓於仙闕俄
升耐於祕宮恭惟皇帝陛下翼翼文心烝烝舜慕椒塗之長逝
奉桑主以致虔夢若平生時起悲於脂澤游於複道將永奉於衣
冠願副瞻馳少寬悲則

徽音永闕徂運載周聖孝哀恫輿情蘊結恭以欽聖太后道光周
母聲掩虞嬪遭時危疑獨建大策濟民嘉靖遽復繁機豈徒修陰

教於壺闈固已懋豐功於宗社流芳彤管將永播於億年脫迹紫
庭歛甫更於期歲恭惟皇帝陛下堯仁因性舜慕以身坎方拖於
嬖嬖孝日隆於業業願寬哀念式副禮經

代慰欽慈太皇后祔廟表

隆名懿冊追賁泉途縉禮盛儀祔升宗祏悲纏當亡感劇寰區恭
以欽慈太后鍾慶高閣流芳彤管夙效捫天之兆果臻夢日之祥
正位東朝莫速含飴之樂躋神太室空餘撫鏡之悲恭惟皇帝陛
下政用湯中道隆舜孝具天罔極願少抑於悲摧春露旣濡將永
親於灌獻

徽宗皇帝顯肅皇后懿節皇后梓宮還闕表

龍輶返國蜃紉戒塗儼七萃以護行森百靈而警侍照臨所逮哀
慕攸同恭惟皇帝陛下舜孝日嚴堯仁天覆昨奉兩宮之諱躬服
三年之喪目斷殯宮日動羹牆之念誠通霄夢每興匱鑑之悲由
聖孝之感通致殊鄰之悔禍飭使旃而遐衛奉題湊以言旋粵惟

中壺之喪亦見素輿之至列城沃醑行路涕洟匱易四重已極慎
終之禮役與六遂行遵復土之期願少抑於哀恫庶永安於愛戴
慰隆祐皇太后上仙表

變起慈闈悲纏寰宇恭以大行隆祐皇太后慶鍾沙麓德懋管彤
頃炎運之中微克保基圖之固暨逆臣之俶擾再扶宗社之安方
南土之回鑾奄東朝之告禋恭惟皇帝陛下道光帝續孝篤母儀
長樂問安極三牲而致養泰陵復土儼六遂以在行願寬罔極之
哀式副有生之託

慰懿節皇后上仙表

椒風告禋薤露興哀慟發六宮悲纏九土竊以大行皇后上天作
合初載來嬪躬卷耳之憂勤服葛覃之節儉方專彤管之美遽陟
白雲之鄉恭惟皇帝陛下治內而厚人倫追遠以基王化雖禕衣
重翟永闕於中宮而匣主黼筵將祠於別廟願抑聖情之悲悼式
副寰宇之瞻依

代慰聖瑞太妃薨表

柔儀長謝卹典致隆凡在構臨伏深悲但恭惟皇帝陛下化先治
內禮極慎終自仁率親上動无豐之感因心則友更懷紹聖之傷
追惟宮掖之賢曲軫宸闈之念哀榮時異升賁用光乎號大庭俾
聯華於二后靈神寶剎將附告於諸陵願少抑於恫傷庶永安於
瞻戴

賀正旦表二首

年統載新禮重三朝之會陽功大湊氣資萬寶之昌有天降康惟
聖時克中賀恭惟皇帝陛下宅中圖大居正體元靈承帝以寅恭
茂對時而化育方且錫符而有美蓋將嗣歲於無窮齊七政於璣
衡躔離攸敘受四方之圖籍蠻貊來同屬治象之載頒宜神休之
滋至臣等叨恩服采顧眾造庭保合太和幸親逢於華旦緝熙純
嘏漸永佑於丕圖

三朝肇祚之辰乾坤交泰萬國貢珍之會圖籍來同受福無疆惟

聖時克中賀

恭惟皇帝陛下御時以道敕命惟幾如日之升見文
王之所以聖惟天為大同堯帝之無能名推餘緒而運化於陶鈞
撫亨嘉而躋民於仁壽矢其文德絕域皆徠告厥成功珍符紹至
惟繁禧之所介協嗣歲以俱新曆授人時法頒治象惟皇作極大
居正以體元與物皆昌首施仁而發政臣等蒙休盛旦代匱正司
東陸發春喜迓泰元之吉南山薦壽仰祈時望之祥

天申節賀表

眾非后何戴欣逢震夙之辰邦永孚於休適配長贏之月自天申
命薄海均歡恭惟皇帝陛下疊疊文勤孳孳善舜善真聰明而紹前
烈寶慈儉而懷永圖躬五載之焦勞已開興運介萬年之逸樂益
擁殊祥臣限守虎符阻趨鵷列無任
賀明堂大禮表

大禮必簡誠對越於三神至仁無親澤均敷於萬寓溥霑惠術交
協歡心中賀竊以祭數則煩在竭誠而報本禮時為大必稱事以

從宜尊天地以合祠陟祖宗而並侑意孚明察制備情文恭惟皇帝陛下德懋日躋政修時邁已卽園丘而崇祀未登陽館以宗祈甫臨三歲之期遂度九筵之邃執瓚裸粢遣宗英而嚴九廟之儀搢圭荐嘉被袞冕而極二儀之奉前期誕告先甲齋居列庶尹以駿奔互百神而咸秩祝嘏申虔於吉王輝胞俱被於湛恩臣早預從班晚分郡寄兼綜條貫無因奉兒寬萬壽之觴宣布詔書尚能作王褒四子之頌

天寧節賀表

辰集木津寶肇出寧之且歲臨單闕欣逢載震之期中外稱觴邇遐拱極恭惟皇帝陛下實天元子爲世道君孝德著而九廟居歆祀事明而三神歡喜威能遠暢旣收舊壤以來歸聖不自居方卻尊名而弗受福祥時萬憲度日新斗適次於房心壽必齊於箕翼臣逃違宸陞外剖郡符聽望獄之三呼阻道鸛鸞之列賡繼天之

一曲第傾螻蟻之誠

天寧節進銀絹表

皇威遠暢坐收闡國之功壽節載臨遙祝後天之算共致蕃方之貢交修庭實之儀山阜之珍織紵所出仰裨九賦少將臣子之恭虔請萬年永保人天之慶

天寧節進折銀錢表

外撫侯封狼荷分符之寵前臨誕節聿修任土之恭祗率鍾官式遵幣貢塵三錢之府深慙不腆之儀稱萬壽之觴遙致無疆之祝進奉天寧節功德疏謝書表

謝恭惟皇帝陛下兆有作之聖神嗣無疆之曆服按六經而較德

悃四裔而抗稜載遇誕辰實天人之交慶仰祈道蔭乃臣子之當然敢意慈憐申加慰藉永懷丕享之義誓罄不移之心

賀燕樂表

名與功偕肇建盛王之樂政由俗革適新治世之音閱視燕朝頌

傳寰宇既備乃奏永觀厥成竊以原樂之初聲相應故生變語形而上道可載而與俱厥惟聖明乃議述作禹取聲而為度夔制律以和聲雖諧鈞已格於三神而燕樂尚循於五季爰稽中正盡革哇淫增徵角之招而七律始全陳土石之器而八音初備有始翕從純之美無細抑大陵之傷益和聲既滌於姦聲則今樂遂同於古樂恭惟皇帝陛下道超器數治極盈成察齟於清濁之間象事以始終之序曰惟嘉饗深厭溺音立度出均始達神明之德登歌下管遂同天地之和順氣應之治道備矣臣等無裨政化猥預榮懷為韶九成聽鏗將而竊歎大食三侑願保用於無窮

賀日戴承氣表二首

化侔乾運洪恩丕冒於邇遐祥開日華瑞氣並生於上下光騰羣目慶浹輿情竊以行上道以揚暉宗眾陽而循度旁出纓珥皆兆福祥見於戴者為國有喜之占名以承者示臣奉君之慶乃底日之官程奏與說天之志協符陽春方中晷景正午躔茲並應實表

多祥恭惟皇帝陛下盛德昭升至仁光被無思不服人文已應於豐亨將受厥明天瑞遂形於晉晝臣等具叨眷獎莫效變調政察璿璣奚測彌綸之妙氣調玉燭徒深抃蹈之誠

帝德誕孚仰格景炎之應天休滋至繼騰瑞氣之華殊祥相望於後先美證交輝於上下清臺雜候寰宇均歡竊以天惟陰隲而降監孔昭日乃陽宗而象類可考堯命四時之官而謹賓餞周以十輝之法而辨吉祥曰戴曰承曠千齡而莫睹乃神乃聖遂彌月而再瞻蓋一德新而又新則諸福至而復至

賀日蝕不及分表

官占前告知交數之當虧聖德上昭致蝕分之不及照臨所逮距躍惟均中賀竊惟躔度相循實應大餘之數陰陽有眚乃侵內壤之光惟精意之潛孚則沴氣之遽弭保章辨吉眴視觀祥有感必通益欽若寅賓之證方交俄吐示及遲蝕寡之符恭惟皇帝陛下道與豐亨德參離照雖運彌綸之妙用不忘寅畏之小心天且弗

丹集一
違人其皆仰臣等謬膺眷獎服在弼諧修六職以導和仰繫庇冒
率四方而來賀但切懼呼

賀日蝕陰雲不見表

日當合朔前知薄蝕之期雲起崇朝潛護照臨之體坐銷沚氣溥
洽歡心中賀竊以陰陽不免於交侵日月有時而同道蓋盈虛之
定數在分至以非災繫聖德之召和致天心之助順雲特瞻於游
宇辰自應於集房恭惟皇帝陛下秉總泰元均調冲氣思其艱而
制治正厥事以承休雖曆步日微莫逃常度而德孚陽感自隔妖
氛臣等積在慈憐敷同慶賴抑陰用社既虛十輝之占籲眾告庭
願上萬年之壽

賀慶雲表

氣襲一陽方誕膺於神貺雲舒五彩復昭示於天休登臺以書擊
壤咸喜中賀竊以古帝有車蓋之瑞因以紀官漢皇祀汾陰而歸
嘗聞覆鼎載諸往牒已號殊祥矧當至日之漸長方即路朝而展

采儼九賓而就列鏘六玉以導和紛郁呈祥輪困曜色盪紫霄之
氛祲映黃道以昭回於稽盛德之符茲謂太平之應恭惟皇帝陛
下欽聰稽古寅畏享天僕景命於無疆告成功於不宰克開厥事
祕文兆見於堯天參受于庭卿霽復光於舜日臣等備叨殊獎獲
相上儀若煙非煙幸親瞻於瑞蔭且復旦願永播於賡歌

賀收復滄州表

爰整其旅起舊將以俱征克成厥功恢故疆而盡復捷音來上歡
頌遠傳中賀竊惟滄水之封陲實邇橫山之走集地形控阨天聚
富繁歸我版圖昔有招攜之效弛其檻縶誰為縱敵之謀屬聖武
之紹興幹神機而獨運星文助順軍氣益張匪安匪舒遂有來鋪
之效是致是附坐收無侮之功恭惟皇帝陛下適求厥寧載用有
嗣赫赫業業而天威遠愴烝烝皇皇而兵勢具嚴憬彼邈川故無
勞於折箠蠹茲偽夏行亦見於消烽

賀收復燕山府表

取亂侮亡曾未施於三箭向風慕義遠求效於九州惇黎輸款塞
之誠渠帥有倒戈之請事光惇史慶溢絲區中賀惟幽薊之封疆
本華夏之土宇粵從石晉始失版圖垂之百年擅數千里凡謀國
之士議弗敢及致在天之聖志未克伸惡稔罪盈眾怨神怒寇戎
越在草莽師眾日尋干戈仰怖德威如洪爐之燎毛髮靳霑聖澤
若大旱之望雲霓遂掃境以來庭同叫闈而請命恭惟皇帝陛下
神武不殺睿智有臨救民水火之中玩敵股掌之上全付所覆仰
承穹昊之休道觀厥成大酒祖宗之憤舊壤再歸於中土經躔遂
備於周星成茲不世之功盡出非常之斷臣叨膺郡紱阻獻壽觴
撫鳴劍而馳伊吾徒深贊喜登泰山而建顯號行慶升中

賀湟州芝草表

青唐慕化籍疆土以咸歸朱草薦珍走驛郵而來獻凡依怙冒交
劇歡呼竊以齋房之詩徒著九莖之異瀛洲所產第存三秀之名
彼固推爲盛時亦復號稱華觀蓋未有叢生千葉遠叩九闈截然

新附之邦卓爾無前之瑞楊華菌蠢託質堅剛介蠻貊以絲傳曠
古今而創見此蓋伏遇皇帝陛下化由神運道與時行默調撫於
五辰遂昭蘇於眾彙張咸池之樂以流於協氣定郊廓之鼎以召
於嘉祥因積人和具膺帝祉案諸圖牒共欽蔓蔓之形播以聲歌
永配巍巍之治臣等生逢昭代獲觀上儀敢同來賀之四方共祝
無疆之萬壽

賀瑞石表二首

臣某等言伏觀河東轉運司進瑞石一據待詔封土靈狀稱磨礪
已凹尚見天正堯瑞字并御筆驗到詰實與元圭同宣示百官者
告厥成功由錫久淪之至寶震於珍物是與前古之殊祥質雖玉
石之倫意若節符之合中賀竊以禹底濬川之績堯受延喜之圭
雖孚尹尺二寸以標奇然湮沒三千年而莫覩天將授聖理欲斷
疑爰出祕文以彰休應得自樊山之壤久爲汾水之都究點畫則
本於自然考符瑞則昔所未有披圖輝耀豈同鳳羽之成文結體

瓌奇恍若龜書之再出屢磨礪而不泐將藏祕於無窮恭惟皇帝
陛下仁以則天智惟稽古孝悌而致萬邦之協欽明而臻庶績之
熙治既比隆福因緣類皆不求而自至蓋合異以爲同臣等叨預
近司親陪昌運地不愛其寶幸獲觀瞻邦永孚於休惟深呼舞
圭呈元色將昭受於大庭石出祕文預協符於上瑞四方同賀百
辟聳觀中寶竊以龍甲浮河伏羲因而書八卦龜書出洛箕子所
以演九疇厥惟自然之文每出大明之世不求而至獲於汾晉之
都載考其繇欲正陶唐之瑞緘滕來上磨礪愈明究字畫則非筆
墨之能工語休祥則實圖牒所未有闡神明之奧蹟祚曆服之絲
長道之將興國以長楸恭惟皇帝陛下則天覆燾如日照臨克明
俊德而仁厚於惇宗不廢窮人而政修於無告巍巍之功既就赫
赫之應遂昭臣等叨預近司預觀懿鑠何知帝力載賡野老之謠
請壽聖人更類華封之祝
賀水晶大花金碼礪興發表

天人精祲有感斯通山澤韞藏不求自至三邦程奏萬宇均歡竊
以貴異物非聖哲之本心致大利乃帝王之盛節蓋仰膺於天佑
必並顯於坤珍壤帶洛師發千年之水玉江連邕管粲萬鑑之精
鏤顧茲寶石之英舊產大荒之遠乃於近甸併效殊祥恭惟皇帝
陛下撫大競之時擅無倫之富政事修而錢流於地上年穀熟而
粟腐於關中民各厚生地豈愛寶惟茲三幣並出一時掌在升人
不假地園之授藏之玉府永爲邦賄之良臣等猥被眷求親陪熙
泰治道備矣何施寅亮之功寶藏興焉幸預榮懷之慶
進奉生擒睦賊渠魁馬謝詔書表
師行左次旋掃逋誅貢效石牽蓋伸常禮顧頻神指曲降璽書誦
讀知榮捧承失據中謝伏念臣口守近服屬討兇渠方鞠旅於前
茅曾乏先登之助暨致刑於獨柳徒將曲踊之誠弗悟溫言特光
孤跡此蓋伏遇皇帝陛下宅師嘉靖基命溥將有此武功暨宣威
於暴亂矢其文德更加惠於臣鄰雖處外而亦臨俾增重於所

道三二帝幸親遇於昌期文七六經永襲藏於部室
謝收復燕雲進馬賜詔書表
復境金臺師旣殊於左次稱觴玉殿貢獻效於右牽敢意恩綸俯
光衡宇中謝恭惟皇帝陛下智勇天錫徇睿生知稽古則斷自唐
堯以來治外則雜用采薇而下爰修羽干之舞同乎舜功之巍巍
不遺蟣蝨之巨賜以周書之噩噩深維榮遇實賁餘年願加什襲
之藏更殞百身之報

丹陽集卷一

丹陽集卷二

表

謝特賜諡先考清孝表

鄉書程奏仰勸揚善之公廷議具乎特被易名之寵恩光下逮感
涕無從中謝竊以名者實之賓必考一時之德諡者行之迹永垂
萬世之傳禮欲示於勸賢義特嚴於節惠魯無駭則生有正卿之
貴衛公叔則請於將葬之時若乃爵未及而特崇窆已久而追命
自非絕德曷勝殊榮仰惟先臣夙有卓行飲冰自勵清每畏於人
知負米服勤孝實由於天稟十年辭祿而養志一介不取以律貪
蹈曾閔之所難拔夷齊爲可慕善每爲而最樂徒信所聞道雖闇
而日章其傳自遠敢圖二美上達四聰略省戶之參稽置禮官之
訂議特旌潛德俾受大名此蓋伏遇皇帝陛下公聽並觀兼容汎
愛同帝堯之稽眾法湯后之立賢不吝飾終特甄收於片善未嘗
忘遠曲崇獎於下臣爰霑恩綸來光泉壤殞百身而莫贖永悼循

陔想九原之有知尚期結草
謝降詔不允乞外任表
教而知困竊幸退藏道以觀能尚寬澄汰親奉德音之獎勵繼膺
溫詔之撫存宜去而留以榮為懼謝伏念臣蚤蒙擢序馴致高
華聯禁塗供奉之班蠟鬻舍師儒之長冒居厥次未報隆恩輒乞
其身實緣私義益明倫善俗之時希遇則育材成德之任至難無
作人之助則為曠官無授業之長則徒廢學如臣愚陋涉世闊疏
可謂人師雅無重望於斯碌碌屢荷容容徧塵胄子之官久妨賢
者之路歸鼠窮於五技難復進為鷓鴣巢於一枝庶安拙守故因
次對自勉治民敢意包荒尚容游食獎以平文之當責之振職之
稱既蒙踰袞之褒復荷出綸之渥大哉之言誕播蕞爾之跡有光
此蓋伏遇皇帝陛下豐照直中乾剛獨運懋昭大德適求多士之
靈灼見後心深識百辟之享肆憐平進更責後圖誓殫分教之勤
少報兼容之施

休寧知縣謝上表

蠟廁儀曹媿匪小材之累日除還銓部猶叨大邑以庇身荷恩難
名報德無所中謝伏念臣人門俱下仕學並輕雖偶竊於科名本
自甘於州縣識拔誤除於師席編摩進直於書林佐貳宗英預掌
銀潢之津派登延冊府獲窺金匱之圖書每自疚於超踰豈復希
於擢序久尸官於省戶曾乏建明屬議禮於宗祊遂成瘵曠蠡何
施於測海蚊果困於負山特煩簡禮之嚴上瀆冕旒之邃止從澄
汰實戴矜容此蓋伏遇皇帝陛下堯釐百工舜明庶物黜陟必先
於考績賢愚咸使之遂情若此無能尚有攸處臣敢不承流宣化
勉報政於三年念咎省愆誓輸忠於九死

大司成謝上表

入持禁橐已媿超遷進長經費更叨因任循涯虛受程奏懇辭膺
詔旨之弗俞錫服章而加賁亦既就職深虞累恩中謝伏以兼三
代之學以明人倫同四海之風而暨聲教大申孝弟之義交獻賢

能之書歷年滋多明效灼見小子有造預鼓篋者千人海邦率從
來執經者萬里惟時教法特軫淵衷責古人大全則泮降德音示
聖經奧旨則親爲訓傳益躬教立道之君處上則育材首善之臣
至難方廣詢求以專屬任而臣學非得己才不加人行誼不足爲
世之範模文藻不能作經之鼓吹偶自朝廷興學之始首叨方郡
分教之官玷禮曹郎屬者四年預膏席師儒者三等所能何有每
遷益高雖賓賢養士之規模粗知本末顧成德達材之績效蔑有
毫釐不悟異恩就躋邇列此蓋伏遇皇帝陛下誕敷文德遙圖康
功久於道而化成不忘樂育主其心而慎治更務能官察臣所守
之靡他貸臣已試之無驗猥加曲澤使勉後圖誓畢微生仰酬洪
造

謝江州太平觀表

躋榮命教濫居學省之華負罪投閒尚竊祠宮之適寬恩下逮感
涕橫流中謝伏念臣學術空疏性資愚拙本爲貧而干澤寢席寵

以逢時俾游英俊之躋盡出聖神之造班陪從橐秩冠儒官顧惟
何人輒膺是選果緣冒處遂致疾顛仰繫亭毒之私猶頒餼廩之
厚此蓋伏遇皇帝陛下德俾天大恩均父慈擴仁恕以并容寬聰
明而臨照深閔向隅之戚特從祝網之寬退居寂寞之濱得從優
逸上答生成之賜更誓糜捐

謝復右文殿修撰表

殊庭游食深幸安全祕府疏榮特從甄序隆恩下逮感涕橫流中謝
伏念臣學不造於道真材不周於世用自奮寒苦三收詞藝之
科寢冒寵嘉四躋師儒之等欽承綸綍俾長膠庠退量羊質而虎
皮何補鳶飛而魚躍駢但期於報國顯愚實昧於周身惟行法
已拂於人情而處事每違於時論怨仇交積釁咎易乘狼自劾歸
親承訓獎慰留之詔始下搏擊之疏繼聞凡可排詆而中傷無不
崇飾而誣讎莠言甚巧惑投杼於三人幽結莫申類降霜於五月
賴乾坤亭毒之施察風波險陷之危曲示優容止投閒左微生易

殞聖造難酬旋聞邦誣靡逃天鑒阿比附會著在德音放逐流離
屏之荒服臣之所坐豈假自明遂令流落之餘曲被便蕃之澤稍
賁集賢之職漸刊司敗之書此蓋伏遇皇帝陛下覆露萬邦帡幪
庶尹風揮日舒而專斷雲行雨施以均慈蹈舜之文哲而審官體
湯之寬仁而宥過肆令浮賤不遂棄捐恩已重於邱山實踰始望
身未填於溝壑誓竭孤忠

汝州到任謝表

序道山之祕職已荷疏榮殿陸海之名邦更蒙起廢苦心易感危
涕自零中謝伏念臣器識無以加人學問本期治己會睿神之博
采旅俊哲以同升徧歷清塗皆非素望直棧傳廡雖知戒於回邪
方穿運車顧每難於諧合昨承人之進長國庠雲漢爲章於天何
裨化養日月有明必照獨荷矜全數侍清閒洵膺訓獎維時邦灼
方擅臺評凡可傾擠而中傷無不誕慢而崇飾儻非洪造豈有餘
年矧退黜僅及再周而恩渥已更三至既察采芘之罔遂叨剖竹

之榮濱九死而復生殞百身而曷報此蓋伏遇皇帝陛下宏規顯
俊大德容愚曠然兼覆之恩仁爲己任展也大成之業善與人同
故雖無庸不使終否臣敢不益殫夙夜之力少紓宵旰之勤懲沸
羹而吹齋更防後患羨淵魚而結網勉企前修

謝改寶豐縣名表

建節近著已旌地寶錫名交邑更荷天慈閭井祗歡山河增重中
謝竊惟汝郡密拱神皋鬱蔥之佳氣旁連汪濊之湛恩光被是興
寶藏以表珍符沓來升人底貢玉府夤緣蕞爾之境申錫美哉之
稱此蓋伏遇皇帝陛下富擅無倫化行有截爰正名於百物以彰
信於兆民旬服用光信書惟永臣謬膺優寄躬被德音言順事成
實佩褒庸之寵政平訟理益圖報塞之方

爲輒奏儀曹馬俊公事放罪謝表

謝獄非疑自奸罪譴疏恩過厚特軌憲章荷德自天措躬無地中
謝伏念臣中緣擢序殊預使令兢兢詔令之遵齟齬簡書之畏謂

獄者天下大命而刑本君子盡心盡失不經上體好生之德何度
非及顧無閱實之良輕瀆九重特寬三尺此蓋伏遇皇帝陛下斤
斤之明進日恢恢之網如天知非法吏之深文爰貸守臣之妄發
臣敢不知逃簿責益務簡乎觀過知仁幸不書於一眚咸中有慶
庶圖報於萬分

謝除顯謨閣待制表

竄名簡札久奸列史之誅寓直圖書忽玷侍臣之選驚魂返幹感
涕交頤中謝伏念臣於世無庸以身得察不繇援助福厯高華自
信直前未免木雁之累周防慮害又乏著龜之明遂招貝錦之言
上瀆細氈之聽仰承辨究曲賜保全起之祠宮付以民社義命大
戒方勵志以力行富貴危機實無心於贊取矧惟伯氏獲綴近班
甫依日月之光遽淪霜露之疾顧滿盈之招損復愴盡之傷生方
圖幽屏於衡門敢意寵登於巖閣此蓋伏遇皇帝陛下在帝陟降
憲天聰明體堯之大以容愚用舜之中而忘過念茲簪履之舊援

之溝瀆之中敢不黽俛事勞緝熙問學命輕於羽期徇道以忘身
誓有如江願輸忠而報國

湖州謝到任表

服勞盡瘁敢擇地以求安積釁挺災輒籲天而瀝懇豈圖名郡驟
假畸人中謝伏念臣穉穢無庸駸難合入塵禁近深慚乍佞而
乍賢出預承宣惟知畏首而畏尾迫於多瘠尚爾自營荷臨照之
末光遂寬閒之素志惟若雪之勝壤號吳越之樂郊杜牧之三啟
請行王逸少二代繼守豈期汎宅之地乃獲專城之居此蓋伏遇
皇帝陛下體文王之淵懿以官人蹈虞舜之聰明而臨下畀矜無
告特為相攸仰稱茲憐誓當勤策孳紫荷橐徒夢想於清都坐白
蘋洲幸日陶於化國

鄧州謝上表

危誠自列本緣三五之嫌洪造曲從改涖一麾之寄奔走奉職經
營戴恩中謝伏念臣早幸逢辰過叨序爵容臺蒞禮往來數預於

討論教府育材伯季迭居於長貳實佩聞於德意敢申盡於初心
旋以拙疏久坐流落既不肯逐巧點妍而射利又不能變節易操
以隨時歲籥七更徒或夢遊於帝所國門三過何階入覲於天儀
進無扳聯之因退守靖共之素惟茲楚境蓋昔鄧墟令臣領之爲
幸多矣此益恭遇皇帝陛下蹈虞舜孳孳之善廓成王斤斤之明
攬治具而畢張鑿人材而翕受少原之簪惟舊未忍棄遺豐城之
劍可求聊加拭臣敢不布厯洪之惠澤佩煩悉之訓詞爲國矢
謀雖身遠嚴徐之列與民興利尚志晞召杜之風

再任湖州謝表

復舊厯之近班已叨式序付嘗爲之便郡更荷就除不涉道塗卽
交印綬中謝伏念臣仕過其量德慙於榮內之代置於京師徧陪
禮樂學校之寄外之服勞於郡縣備讀簿書獄市之煩自黷眞祠
屢更嗣歲敢圖起廢復玷承流今所領州昔嘗仕事法令具在誰
言廈屋之帡幪民俗可知妄指甘棠之蔽芾今茲器使實累詔除

而臣益老無堪積憂多畏動而輒凝豈能游刃以解牛去已復來
徒類下車而搏虎此蓋伏遇皇帝陛下運天德以鈞賜纘帝緒以
膺期體道時巡擇賢共治時加申命更勉後圖惟自誓於糜捐庶
少寬於憂顧馳朱丹轂敢從事於燕游探赤白囊第謹修於備禦
謝除顯謨閣待制表

奉混元香火之祠獲從安便直承裕圖書之閣復玷高華方課職
以投閒顧冒恩而庸寵辭不獲命懼何以堪中謝伏念臣江海腐
儒布韋冷族以身自勵妄期兄弟於古人賦命多奇動輒參辰於
時態昨膺申命果撫舊封當帑庾空匱之時適衣冠流寓之眾長
鞭不及馬腹寧免多仇割雞焉用牛刀敢言易治拙疏若此汰免
是宜敢期肆眚之隆寬不以曠官而賜隔還青氈之舊物綴紫橐
之清班此蓋伏遇皇帝陛下時邁其邦日新厥德攬智瘵而兼用
作威福以並行蕩蕩巍巍每擴堯天之覆左左右右特從湯網之
寬臣敢不知幸之不可常念德之宜有報益堅素守更勉後圖

謝賜曆日表五首

仰求天步運太極之三辰俯授人時協洪範之五紀祗膺詔旨灼見聖心中謝伏以考中星之合見而生昏明課九道之發斂而定冬夏積大餘小餘而綜數辨陽曆陰曆以求端雖云觀象之常未若紀元之密開綴文之局而演議推立極之日以爲元鑿井耕田共識作訛之候連珠合璧開無秒忽之差恭惟皇帝陛下化妙範圍仁深覆育循堯之道以閏月而定四時用夏之正坐明堂而朝羣后臣出守支郡辱賜新書豈徒尊閣以知榮敢不奉承而加畏協用五紀允執其中猷告多方不匿厥旨仰惟天步俯授人時中謝竊以設南正北正之官實繫順帝辨西陸東陸之候所以序年惟章分節元之不差則析因夷隩之攸敘厥惟舉正乃克求端恭惟皇帝陛下官天地以範圍歷日月而迎送清臺雜候既謹於疇人陽館誕頒每先於嗣歲惟聖時憲以初爲常臣謬廁承流寵膺錫本昔嘗庀職慙無綜數之能今幸牧民願廣正時之惠

協用五紀底日而無失日之差允釐百工後天而有奉天之謹中

謝竊以帝曆序星辰而著眾唐堯欽曆象以授人厥惟盛明必精

推步顧紀元之衍數本基命以求端閏餘靡乖宿離皆正恭惟皇

帝陛下恩涵品庶道格昊穹坐行政之堂定四時而成歲頒在躬

之曆斂五福以錫民臣敢不祗奉璽書寅遵神筮昔緣推澤嘗預

於討論今冒承宣敢忘於尊閣

發政施仁誕布自天之詔歸餘舉政特頒底日之書職在承宣敢

稽播告中謝竊以南正北正以司天地義仲和仲以理陰陽惟分

至啟閉之預知則風雨晦明之可候肆於獻歲之始大宣告命之

文恭惟皇帝陛下寅奉夏正率循堯道面稽天若敬授人時俯察

仰觀千歲之日可致下幡上際萬物之生得宜夙推步於清臺繼

頒宣於方郡行以出令志以定言拜賜札以璽書祗膺周誥奉萬

年之神曆允協夏正上體求端敢忘承式

發春獻歲誕臨行政之堂舉正履端昭示在躬之曆凡叨寵錫悉

被恩榮中謝伏以鳳鳥呈祥定分至啟閉之候莫莢紀瑞辨作訛
成易之方起消息而正閏餘分長野而步纏次五者來備各以序
萬物之生得其宜蓋惟保乾道之和乃能致帝者之用恭惟皇帝
陛下紹隆景命光照丕圖調玉燭而和四時在璇璣而齊七政連
環合璧仰無秒忽之差轉扇飛灰俯有桴鼓之應肆頒告朔爰及
守臣臣敢不虔稟聖謨率循彝憲焉知天道昔嘗預於討論不違
農時今第嚴於遵奉

代皇子辭官表

仙源襲慶曾微橫草之勞睿檢疏榮遽被苴茅之寵輒輸危悃仰
冒隆威伏念臣姿實滯冥質非岐嶷本支錫羨當詵詵揖揖之辰
德齒甚微媿穆穆皇皇之美方上煩於顧復冀少迪於顛蒙敢圖
敷號之揚廷特相奧區而燾社秩均揆路寄重節旄惟茂勳明德
之可居豈弱植幼齡之敢冒伏望皇帝陛下俯矜愚欲追溲贊書
名器至公特正君臣之分悃誠獲訴益隆父子之恩

代皇子再辭官表

循牆懇避既瀝於愚衷賜履疏榮未回於渙號仰蒙覆露輒再冒
陳伏念臣託體天支承顏帝展銀潢分潤日承鞠育之恩金輅啟
封敢意褒揚之寵顧未親於保傅已視秩於公師相南土以建旄
保東方而受社並疇多賦併衍真租皆非分義之所安敢罄懇誠
而再瀆伏望皇帝陛下至明旁燭大度兼容俯矜髻鬣之姿特寢
絲綸之命朝廷之上庶絕於叨逾父子之間何容於僞慢

代皇子謝授官表

程奏上干冀回於成命恩言狎至終闕於俞音祇受寵靈第加榮
灼中謝竊以勝衣佩印存漢室之舊章睟日錫封實本朝之故事
敢圖庸昧亦玷褒揚伏念臣質異徇齊年方稚孺屬椒聊之繁衍
聯棣萼以輝華顧子職之未供荷玉靈之先及建節旄而賜履按
輿地以建邦命服九章粲威儀於上宰元戎十乘峻節制於帥垣
曾是孱微併叨寵獎此蓋伏遇皇帝陛下堯親九族舜闢四聰念

生子之在初雖多男而授職誓永堅於忠孝席上答於生成
代謝賜名表

趣令安位已被恩綸諭使更名更紆親札宸廷馭幸閣府增華
中謝竊惟名以制義者禮之經言惟作命者上之寵惟叔虞季友之
類父命有稽而唐武蔣義之倫君賜為重臣逢時獨幸奠食久浮
敢圖賤名更出睿意憐其許國之志使堅戴后之誠問於申繻不
犯廢山之戒比之程昱更超加日之榮此蓋伏遇皇帝陛下雖聖
弗居以慈為寶當國家之閒暇務極崇儒矜臣下之勤勞不忘賚
善肆推曲澤以賁餘年三月而名雖動已孤之感千載之遇更懷
難報之恩

代嗣濮王謝升等表

祇受寶符永佑基圖之固載頒睿渥曲惇族屬之私凡預休涵交
深呼舞中謝竊惟濮王之支適皆為英祖之懿親論小宗則勢實
絲聯視正統則稍為疏逖因禮有等衰之辨故法從降殺之文戚

單者既罷賜名行卑者遂無廢爵生息寢廣貧富不均躋聖度之
獨觀裁宸章而親定謂自義率祖雖或貴於斷恩然立愛惟親固
無嫌於廣孝爰因熙事丕變舊章官以行而迭升爵因名而更制
情文俱盡恩義兩隆磐石相維更益廟祧之重綸言下逮永為戚
邸之光此蓋伏遇皇帝陛下聖德盡倫王功卹隱體堯仁而惇九
族紹舜孝以協重華肆令葛藟之生共仰蓼蕭之澤願深圖於報
稱當共誓於糜捐

代謝宣詔再入翰林表

禁林清切登用詞臣光華喧傳詔使仰膺申命實戴隆恩
中謝竊以冠內朝供奉之班代中展訓詞之任粵自唐世號為要津
資東里潤色之材處北門獻納之寄扉開銅式地祕金鑾樂府立
成乃有謫仙之譽嘉謨參決因存內相之名矧在聖時勃興文治
睿藻獨高於負古諸臣莫望於清光雲漢為章獨昭回於萬物風
霆敷號將鼓舞於四夷宜得名儒以當內制而臣衰遲無用竅縻

弗靈問學本疏矧久廢而將落文詞甚陋又已試而罔功何期過
采於虛名復使升華於散職預擁經於帷幄參酌史於青編是皆
劇榮併茲虛授此蓋伏遇皇帝陛下宏規遠撫□□旁周圖回萬
化以更新收攬眾材而求舊殊私所逮懇避弗俞奮發詞章雖莫
追於作者激昂忠義當不媿於古人

代謝不允乞外表

忱辭冒進冀乞其身恩旨俯頒俾安厥位叨榮未已席寵更慙
謝伏念臣獨荷聖知再司邦計本圖尺寸上報邱山衰疹所嬰筋
骸知馬力之竭劇職寔廢智謀同鼠技之窮懼速大訶上孤殊獎
爰卽威顏之座具輸肝膈之誠爲聖人氓句就洞庭之佚避賢者
路冀辭省戶之華不悟眷畱申加慰撫此蓋伏遇皇帝陛下疏觀
萬化原省眾材察其籲天本非擇地特加因任使勉後圖大哉一
札之言永期尊閣蕞爾百身之隕曷稱恩私

代辭官表

旌旆所指肇闢遐疆綸綍載頒例增崇秩敢緣私分進冒隆威
謝竊以邇求厥寧躋躋聖神之造采入其阻桓桓仁義之師飭偏
校以鷹揚係名王而蟻伏鋪敦積石奄有臨洮初無遺鏃之煩坐
致舞干之格曠古未賓之地悉入版圖窮荒始附之民交通鞮譯
仰繁睿斷用底膚公如臣請才荷國重寄曾乏幄中之畫少裨聞
外之奇乃緣策勳亦叨序爵矧預聞於政事已屢玷於恩華儻無
止足畏避之心必有充滿顛墜之慮伏望皇帝陛下監觀本末惠
顧始終憐其深懼於高明察其非涉於僞慢斷從公論追寢命書
位必勞升盛世固無以虛授利因義勝愚衷亦幸於少安

代謝授官表

興師奮伐吉語遽聞疏爵疇功恩言溢至懇辭弗獲祇受若驚
謝竊惟洮陽之奧區實爲隴右之故壤地形控扼天聚富繁早紆
先帝之經營尚習狂童之矯據神機默運聖武嗣興詢謀將才指
授廟算不淹浹日坐取列城疆弩何難於射癘震霆不及於掩耳

游魂假息望旗鼓以驚奔泥首歸誠襲冠裳而款附震疊三河之外鋪敦青海之陽用夏變夷皆繁睿略因人成事豈有微勞敢圖近弼之頒恩亦使瑣才而居寵此蓋伏遇皇帝陛下英威服遠盛德容愚土宇販章中外禔福謂義已加於不齒故賞盍僭於罔功特示睿慈俾霑優渥昆夷駭矣忻聞正域於四方元首明哉敢獻無疆之萬壽

代謝朝參減拜表

便蕃曲澤屢沐矜憐疲曳微軀特從優假禮稍寬於擊蹠心深負於凌兢中謝伏念臣生值休明坐口華顯奠食久浮於真館疏榮更昇於戎旃雅無橫草之功少圖稱效徒有負薪之疾上軫眷懷乃知極辨之朝蓋有常尊之分敢意倦倦之厚施特鐫僕僕之多儀此蓋伏遇皇帝陛下德冒臣鄰麻涵戚屬謂禮雖宜於下拜而恩或出於非常因屈威顏俾蘇衰繭馬力將竭已逃顛踣之虞鼠技既窮尚誓糜捐之報

代謝敕設表

內苑贊書叨蒙宣召太官宿設更沐示慈荷寵便蕃省躬殞越中謝伏念臣初非博綜繆辱詳延修飾討論何補聖謨之懿飲食燕樂遽煩臺饋之頒此蓋伏遇皇帝陛下優異詞臣恢張國體因其涖職之始訓以稽古之榮臣得盡心遠繼鹿茸之盛物無失性更同魚藻之和徒媿屬饗莫知上報

代兗州謝上表

潞子名邦方膺守寄魯侯舊壤誤沐詔除已稅道塗敬頒條約中謝伏念臣羈危少與謹杜自將涉獵簡編粗識誠身之趣平均法令稍知布政之經徒欲少充於衰門詎肯求通於曲路微如鼯鼠方自足於飲河勢若窮猿固未遑於擇木握蘭省戶剖竹藩方自視數奇皆非始望矧岱宗之重鎮存闕里之故家支邑民淳狴牢罕繫屬城盜息桴鼓稀鳴豈伊衰遲曾是昇付茲蓋伏遇皇帝陛下達五皇極奉三無私宣化承流雖博求於壽俊匿瑕藏疾亦兼

采於愚蒙臣敢不推廣上仁循緣舊俗布中和而樂職戒煩苦之
傷恩尚有毫釐仰紆宵旰

代沂州謝上表

汜掃眞祠方自安於祿隱改臨樂土忽誤玷於除書仰冒大恩退
慙小邑中謝伏念臣江湖冷族庠序鯁生遭時博延與士彙進擢
佐水衡之重曾靡荒功再將使節之嚴僅無乏事遽升華於蘭省
獲款對於楓宸橫草無勞自愧含香之選負薪有疾因求襪被之
行蕭散再期優游三徑敢圖紀錄優被使令矧所領州昔嘗試吏
雖歲月驚於云邁而父老喜其復來此蓋伏遇皇帝陛下施實德
以厚生圖康功而適駿敷求良吏分列遠邦因誤聽聞遂叨識擢
臣敢不布朝廷寬大之澤謹惠文織悉之科誓勉後圖庶逃幽黜

代謝賜御書千字表

辭榮弗獲煩一札之恩綸示眷有加錫千文之草聖昭回在望穴
末增華中謝伏念臣久玷近嚴洊膺寄屬當制禮作樂之運竊幸


預榮方崇儒重道之辰獨蒙加惠溫言慰藉曲澤分頒仰惟奎畫
之文實出神機之妙臥筆遠嗤於禿兔正書何取於怒猊肆筆而
成非由水墨之積習爲章於上宜有神物之護持不悟蒞居忽叨
珍賜此蓋伏遇皇帝陛下睿文冠古燭智窮神道積於厥躬不忘
典學天縱之將聖又極多能因點翰於燕閒特疏恩於禁近寫之
金石永圖尊閣之藏燕及雲雷共侈眷憐之寵

代謝對衣金帶馬表


腰束九環併荷笥衣之寵圍頒四牡仍加倅革之華感劇曳婁榮
生馨控中謝伏念臣少罹墜陌自守羈單服止敝裘輕煖敢飾於
狐貉乘惟下駟權奇絕望於龍駮不悟遭逢洊膺錫予此蓋伏遇
皇帝陛下緝熙政治寤寐雋良恩示解衣俾勵素絲之節意存市
駿寵頒赤汗之珍粲粲陳庭駟駟在廐於其視職出以疏榮鶉翼
不濡俱積叨塵之媿蟻封可拭庶無顛沛之傷

代高麗王謝賜太平御覽表

丹集三
悃誠上訴懇求祕府之文恩渥繼頌曲徇殊鄰之請始終展誦俛
仰兢榮中謝竊以太宗皇帝自誠而明惟睿作聖師古而克永世
遜志而敏厥修往行前言已并包於聖學博聞強識更兼利於儒
林肆命詞臣廣衷事類囊括千經之蘊網羅百氏之言公孫數萬
之詭辭披圖可見虞初九百之小說開卷盡知嘗資睿覽於西清
益萃靈輝於東壁討論至當炳若丹青而不渝倫類相從煥乎朱
紫之有別論纂實繁於鴻博流傳尚隔於要荒臣僻處小邦粗惇
末伎在漢則伊秩嘗聞於入學於唐則吐蕃亦見於舊經輒援舊
比以上干果奉睿恩而賜許叢杏簡編之富光華象緯之傳豈伊
龍閣之珍藏乃作雞林之祕寶茲蓋伏遇皇帝陛下深慈恤隱宏
量包荒以孝奉先故誕有前朝之美以仁柔遠故曲從異域之求
念臣嘗獻於逸書憐臣夙朝於化宇申賜皇文之千卷俾參舊約
之八條肆是誤恩猥沾遐裔臣敢不敬銘厚賜詳繹羣言流播三
韓共仰文明之化分傳五族俾知賚予之私



丹陽集卷二



丹陽集卷三

書

上揚州寒尚書

某南州細人材智下無所取雖服讀儒衣書而器能無一加人者
今大名守林公不知某不肖而稱之於朝俾得預試校官蓋棄其
蕞爾之官守挈而之西川陸走二千里留公車者凡三見朔月也
因是得曳裾卿相之門而側聞聖天子初政矣方將封殖中外瓌
俊者傑環布列位使輸智力共圖康功故未及御殿而尺一搜賢
急於星火韓公自定往黃公自毫往蔣公自慶往其餘課垣詞掖
學省藏室之臣粲然一新皆自外寄召也尚書忠義耿耿議論剛
正勳閎暴著上方願見竊謂宜如曹相國促治裝行卽召矣某也
寄住淮海望履下過不自料請閒可乎語曰貌言華也至言實也
又曰狂夫言而智者擇焉又曰君子善謀小人善意竊意主上見
尚書勞問之外必訪以天下大計施設所宜先者儻跽而進曰神

宗皇帝創立憲令大功數下天下歸仁先皇帝駿惠紹復不敢失
隊天下稱孝今惟取兩朝成憲而踵之國是定矣嗚呼言脫於口
而利被海縣功施社稷忠與望說爭衡名與天壤相久也某之心
天下之心也某之言天下之言也某所望於尚書亦天下所望也
尚書毋謂某位卑言高狂斐僭越而誅之崧高峻極加以一塵雖
未云益豈有損乎尚書獨不見晉伯宗漢龔遂事乎晉伯宗乘傳
過絳辟傳曰梁山震傳人曰山有朽壤而震何怪焉及見晉侯果
問具以傳人語對晉侯夫說龔遂自渤海召王生曰卽上問何以
治渤海必曰此聖人之功非老臣之力帝曰安得長者之言哉遂
卽曰乃掾史教臣夫伯宗非不及傳人也王生非賢於龔遂也然
二子披心析肝而信之師用其言動寤萬乘者言中於實會於時
而納之有素故也拳拳之誠實在於此若夫飾猥蔓之辭遽篠戚
施以事容媚非惟某所不能想亦尚書飫聞而厭聽矣干冒尊重
無任戰越之至

上兗州太守書

某聞濯金浣錦取魚鹽則貴有求賤之勢培山益海資塵露則大
有納小之理商君佐秦氣燄可炙而趙良以苦言藥之狄梁公峻
節雅望爲唐名卿而元行沖願備藥籠中物夫疏賤之士騁辭開
說以干夫吏未必無一得之慮此兩士者足以觀矣願賜須臾之
間宿畱警言何知無毫釐毗助萬一耶常觀昔善宰郡者布政處
事趣時循俗而弛張無一定之論故力寡功倍而民歌舞之崔郾
治陝不答一人及涖鄂則誅罰一不貸其說以謂陝土瘠民勞吾
撫循不暇鄂土沃民剽非威不能治也柳仲郢尹京兆政稱嚴明
人莫敢犯及鎮河南則以寬惠其說以謂輦轂之下先彈壓郡縣
之治本惠養也若二子語政庶乎不謬通方之訓矣閣下以名士
典郡所至有異等之效塗邑口誦襲滿人耳果何以得此聲趙魏
之間哉豈非能觀察風俗隨宜制變故邪且閣下以趙之俗剽悍
而嗜寇魁桀而侮法赭衣滿道桴鼓相聞故痛以法繩之銖兩之

丹集三
二
姦不舍強梁褫氣不敢跡境閣下之至上黨適歲荐饑殍者塞塗於是推行荒政已責緩刑俾豪右振廩而千里皆果腹焉惟知緩急先後之方故寬猛異施而兩郡各洽及乎詔書明揚改付東魯車轍未至而閭里之士偷度臆計以爲是必致隆於學校矣今旌麾所臨之地卽古泰山魯工郡也宣精在上奎婁爲文宿畫野在下洙泗爲儒鄉闕里之堂矍相之圃故基遺址歷歷在目故其俗守經學其人多秀令號稱禮義儒學之國凡虔命而撫封者率以文教先焉亦猶趙之當用猛潞之當用寬也今視事彌數月矣條教旣修成令旣立彫瘵者蘇矣跋扈者戢矣下至金穀米鹽簿領期會倉猝冗末無不垂省獨郡學未有半辭及焉今齋堂傾圮蕪棘不除生師栖栖有陳蔡絕糧之色閣下亦有意乎儻如朱博所謂侯堯舜出而陳說之則無如之何矣昔魯僖公旂色鸞聲視臨泮水之上飲先生君子以酒而順彼長道故淮夷徐宅莫不來同此前事之驗也抑又聞論事而不遠嫌者宋人有觀其鄰伐不祥

之木從而請俟之類也薦言而不俟信者婦始入門而戒其僕無管朴之類也某待罪教職望履幕之日淺而遽貢狂直疑若自爲道地上之則失於不待信次之則病於不遠嫌惟寬明君子諒之而已

答李集正書

某愚不肖經學行詣不能超絕等類謬恩推澤使授業魯郡懼不振職私慄慄也單車始至人士見迎者有數獨足下奮然寵以書辭猥見褒假且望僕以尊顧盼剪拂之重僕雖不敏敢不因來示所稱述而廣之以曉左右者之聽昔項橐七歲爲孔子師潁川荀淑高自標待於名士少推許一日見黃叔度於汝南逆旅中竦然異之謂曰子吾之師表也王戎之於阮步兵禰衡之於孔北海少皆二十歲而相與爲歡友著事者以爲美稱也蓋師取四術友求三益年齡後先正自不校足下引韓退之之辭曰生乎吾後聞道也先乎吾吾從而師之意謂僕年雖尚弱而宜居師表之位顧僕

何足當之徒以黽勉祿仕有不得已者昔韋中立見柳子厚於南
州欲北面就弟子列子厚遂巡遜卻不受至退之則不然作進學
解以誨諸生又爲師說以授李氏子抗顏爲師不顧怪罵夫二子
以文藝卓越同爲一世宗仰顧或抗或遜矛盾如此何哉退之任
教職子厚居散地故也僕雖閹滯而代置鬢宇苟有銖髮裨補固
不敢以犬馬齒少爲解矣試以一事塞雅意足下屬詞雖工而許
與不自愛恐論議士它日不以標鑿相許也商周灑噩之文章卓
然傑出於千百歲之上聖人一生斯文未易再覩今以牽彊酬應
之文輕見比擬不太誣乎至論宏詞舍劉柳而獨推陸贄裴度甚
善是欲以名義功閥見勉也三復歎息謹受教矣

上監職書

某嘗聞何武行部先卽學宮延見諸生試其誦論課以得失已乃
入傳舍問墾田見二千石其恢尚儒雅有如此者又聞奇章公始
隨計京師聲望未白韓退之欲與延譽因攜皇甫持正闕亡而退

之大書其門曰某日愈湜同謁由是僧孺之名籍籍動等輩其成
就後進有如此者每涉傳記究觀達人勝士所爲魁然拔俗遠甚
未嘗不置卷遐想以爲曠數百年未易再覩誠不自意親於其身
而見之恭惟閣下以聰明之才位部刺史崇儒拔士之聲嘈嘈乎
列郡私固已藏諸胸中矣今茲車轍馬足始至魯郊戴縵垂纓之
士方且引脰拭目以觀所爲然而金穀未問也簿領未核也囚繫
未處也牒訴未闕也道從傳呼先臨泮水之上降輿躋階款謁廟
室要笏沃醑槃躡磬折退卽學庭延見胄子雍容垂接與白屋亢
禮悼稍食之穀薄歎室廬之頽陋慨然有意矧而新之茲非何武
之用心歟某受性方拙旣不能激昂奮迅以爲身謀又不能嗾啣
俯仰以追時好韋編斐几自守窮約閣下乃欲卵而翼之屈二天
之尊禮一介之賤使行路指目曰是雖無似然鉅公嘗一聘矣吳
坂之鳴安知無三倍之價茲非韓退之好事歟矧自近世達官大
吏類以刀筆期會爲急至於教化本原往往漫不屑意視校學之

庭則曰此虛器也顧師儒之職則曰此左局也輕蟻菲薄以儒爲戲彼又烏知三綱五常所繫而薦紳大夫所從出乎獨閣下達覽深識爾情藝文施設緩急輕重與世異趣曠者警焉洙泗儒風將配疇曩而於樂泮水之頌不得專美於前日矣吾道賴以掖持後來因之競勸豈特某與逢掖諸生受賜而已哉爵躍蹈舞實爲天下賀也私布腹心惟閣下察之

謝曾運使書

某至愚極陋不敢自齒於搢紳諸公過聽謬使敦學魯郡視職滿歲而經以疑質者無訓發之公文以瑕求者無詆呵之效大懼瘵曠以羞儒林惟是繕完室廬營度稍食竊然爲諸生庇身餬口之計姑欲杜眾毀而塞吏議如是而已聞者使車按臨始獲肩隨掾吏趨走幕下幸蒙不以常輩知遇妄以膏宇繼粟爲請退念位卑而劇上交淺而求奢不揣其本而惟末是圖三者皆宜得誅絕之罪心口默計不寒自慄敢圖厚德闕略不問又從而聽許之意無

猶豫之疑文無勘詰之擾一日而調三十萬觀聽者驚焉方縣官經用窘急之秋領使事營輯歲計籠絡利源毫釐纖悉稍可紓目前前有司之急者無不取也權醜龍斷與夫州邑之賦少闕常額則奉職之吏望風伺指憂虞惴惴之不暇今獨無功而受厚賜自非大人君子畱情風教進誘後學詎肯瘠彼肥此耶洙泗鄉校有幾廢復興之漸圓冠侈袂騰頌皆曰上之德我者如是不激昂奮勵則爲匪人魯道庶乎興矣功利之博與三十萬之費輕重小大爲如何哉若夫區區嗜學之心不爲憂米鹽亂因得卒業又不至失職而去此義恩及於一己而非敢私謝者也抑又聞士伸於知己尚敢以一事浼聽仙源縣學賜田歲租具在而田無所歸甚有可併之理閣下盛名雅望朝廷方取信誠能書盈尺之紙轉以上聞不傷公私不戾文法其勢宜必得此邦受賜又非特三十萬而已也峩峩大石深刻頌美者不在他門而作爲聲詩者亦且不勝聽矣偶進記爲謝又因以請惟執事實圖之

上白祭酒書

某聞江左詞格變永明體挾微倡始實自隱侯辯平頭上尾之差示切響浮聲之奧慷慨著論以謂靈均以來此祕未覩故後來人士爭宗仰之或擊節賞帶坻之句或援筆擬回文之銘於時有文章冠冕述作楷模之諺凜凜乎儒流盟主矣宜其自高待遇特慎許可然而鑿獎後輩惟恐一士名譽不由己立也故見王筠則曰自諸賢零落玩好殆盡不意疲暮復遇盛德一見朱异則曰天下惟有文義棊書卿皆取去何獨不廉一見江革兄弟則曰御二龍於長塗騁逸驥於千里一見范岫則曰范公該博胡廣無以加也一見孔休源則虛己引接之朝貴之上而與之商略文致觀顧歡秀才策則曰過江未有此作觀何思澄廬山詩則曰己所不逮觀劉勰文心雕龍愛其文理每陳諸几案觀劉顯上朝詩稱其藻拔至寫諸齋壁雖劉之遜乳童曹景宗盍夫而片語寸長未嘗靳齒可餘論也及欲談地理而詢崔慰祖議禮器而質劉士深寧以身

受遺忘之譏而樂爲二子延譽又其用心懇到者也其深閉固拒不少假者特鍾嶸一人將嶸果無可稱錄耶或嗜好酸醜人各異也雖然隱侯身爲佐命功臣位處端右多士榮槁出其舌端而泯默寒蟬無所援引則雖有題品人物之長亦徒虛美而已故史家猶以無所薦達少之恭惟閣下以名士識拔爲朝廷巨公學期於見聖而不肯誦記傳注文貴於明道而不肯尋治聲韻度越隱侯百等矣承平恢儒逢掖競勸懷圖扶術者雲會學省而詔書屬以司成之任又非艱難時祭酒比也竊謂山林畎畝窮閭隘巷魚鹽板築弋獵負販與夫冗僚末位一藝可錄而聲跡沈下未徹當塗之聽者皆閣下賁也昔諸葛孔明高臥南陽王景略習隱鄴都未有以瘡人非徐庶徐統出而遊揚之則亦秉耒之下農鬻畚之賤伎爾張茂先賦鷓鴣宋廣平賦梅花託意引類以自表見阮嗣宗蘇味道一見而器之故隱然名重於世卒爲望人閭巷士欲自致於青雲之士非得先進鉅人羽翼而雌黃之無以致也伏惟水鏡

者動心焉若乃箴邪說之膏肓振前言之木鐸使元豐成均之政
令忽然勃興此自閣下所優爲方將延脰擗耳而觀聽其效不復
云云干冒崇重無任悚悸之至

回施仲廉秀才書

某啟盛暑特煩顧寵且書又編見教迫於行役未暇周覽已觀經
史首篇貫穿典籍辯正謬誤皆眾儒所未到非鴻博好古之士孰
能爲之嘗鼎一臠知天下之味則二十篇之書皆名筆也唯中間
論春秋趙穿弑其君吾子謂邱明移之趙盾遂罹喪明之報若爾
則穿果自弑而盾不知也宣子雖傳載其美非一然此則不容不
知高貴鄉公之弑論者不肯以惡歸成濟而歸賈充又不肯歸賈
充而歸典午故有但見其上之語由此言之南董立史法以戒萬
世而孔子因之所以誅首惡也似不可輕議其它論易二典皆可
以感發後學欽歎不已序引宜得顯者以取重於世而僕非其人
也旣不敢承命并書復納幸亮之

上前宰相書

某七品冗吏抵罪竄逐得邑巖壑閒自安貧賤之分恩恩校吏不
敢數以竹牘塵記室退念幸蒙相公不以常輩知遇曩雖得罪於
朝廷未得罪於名義今隸迹丹書低簪把板爲折腰吏相公豈以
屯戍遽移眄接之恩哉因飾固陋之辭敘悃誠自通願垂須臾之
聽使畢其說某竊惟在昔名節之士操守素定事至物來以其素
定者處之不計禍福利害而叛其所學也輕於蹈患害而重於隨
時改度嗟嗚俯仰故能風節嶢然與霜日爭光伏讀舊史竦然慕
之曩者誤沐過聽得備官使貴戚有沮撓教法者抗章繩之近習
有猥見辟置者潔身去之此分義之常而相公廣坐譚賞此其意
豈以碌碌凡流見望哉提挽不已遂得廁列文昌顯曹常欲激昂
奮拔稍自效見以報獎知而未有路會相公暫解鈞軸遂邪說叢
興中執法建議紛更上及僖祖殿室表裏影響合爲一辭某非不
知脂韋享厚福倖直賈奇禍獨念名教至重期待甚深不當選輒

瘵厥官因援引古義謂不當罷奉常諸僚是之繼爲奏議以上風
憲不容相次斥逐直注醜地某得邑黜歛有湯鑊最沸之稱投身
於兵戈殺越之鄉鬪智於牒訴紛紜之地心疲神極與九死爲鄰
而處之甘如飴蜜者趨操定也意相公未詳首末故詳布腹心此
言朝聞夕填溝壑無復遺恨恭惟相公光輔聖政八年勳名德澤
旁照華裔極天下金石竹帛不足銘功而頌美拔士數千百人寘
之顯列山陬水濱惟恐鹽采未至可謂無負於人士矣今茲懇謝
機政頤神燕處薄海內外黃童白叟猶知歌狼跋九戩之詩引領
以望而況門下士哉雖然名士之用舍世運繫之非人力也孔子
曰天之未喪斯文也匡人其如予何孟子曰天欲平治天下當今
之世舍我其誰哉伏冀珍練眠食爲天下自重

答王齋長書

某才知學問無足算錄又方竄逐於朝宜人士擯而弗顧吾子獨
惠然見存抵以書幅且引李白不願萬戶侯願識韓荆州之語何

嗜好趨尚與俗背也韓朝宗行事雖史篇漏逸而白推以爲人物
之權衡且踵門求見賢者以收名定價其非碌碌凡士審矣顧僕
何足以擬之然有以知吾子好學求益之意深也昔之名儒鉅公
聞某所有賢士則汲汲求見未必不甚於士之求之故皇甫規喜
見王符則曰徒見二千石不如一逢掖桓大司馬喜習鑿齒則曰
三十年讀儒書不如一詣習主簿以吾子齒壯氣銳敏於文詞稍
自奮激則潛夫之篇魏晉之論不難及也此政鄙心所願交況逃
空谷而喜足音之時乎承暫畱縣學僕以職事當日夕繼見承音
旨之日未艾也深竊自幸因敘以爲謝

答李解元書

某自入境蒙人士以書見及者十數遣辭立意褒與過甚皆非僕
所敢當至吾子書辭比擬大非其類周公孔子大聖人也如僕輩
未免爲鄉人豈可同年共世而語哉禮曰儻人必於其倫昔柳子
厚牧柳州有杜溫甫者以書爲贄亦有周公之說子厚皇遽遜避

至累數百言夫子厚雖有附麗匪人之過然文章妙一世學問亦不碌碌且猶云然况僕輩又遠子厚數千丈乎雖佩厚意然不敢領納吾子文辭婉縟固自瘡人惟太不慎品藻此亦夏璜之微瑕也因載書爲謝併以相曉

與程嘉量秀才書

數辱見臨猗示造述昨日復拜雅脫開編疾讀如遊玉圃於藍田之郊如聞咸池於洞庭之野雙耳驚目方容美不暇迺有師資之說何搗挹過甚乎柳子厚於韋中立猶遜避不敢當况吾子學識加中立數等而僕望子厚萬里乎雖然語有之矣學所入者淺體所安者深閑習禮容不如式瞻儀度諷誦遺言不若親承音旨又曰望之儼然乃不言之益與田蘇遊忘其鄙心則夫求當世望士與之周旋乃吾子之善學第僕非其人爾必欲規模則書辭論子厚似太過子厚節操視退之雖父子然文章兄弟也子厚不敢以師表自處退之獨抗顏爲人師既作師說以著傳道解惑之益又

爲進學解以誨諸生非其不同意者退之分教四門館則授業乃其職子厚方錮散地不啾啾召闈取怒爾古賢勝人處事自有次第吾子以爲何如披讀有暇時過縣齋以旣所欲言者與制置發運書

初春氣和恭惟神相忠嘉台候萬福某碌碌郡寄實隸部封日記大庇盜不知德伏奉諮目委以經制羨緡均糴二萬斛具悉雅意施行則粟出於萬室違命則罪集於一身某豈不知此某實以敝邑乃水國蛙黽之與同處東南歲漕百五十萬斛而吳興獨無半菽之輸則土地不產米明矣去歲僅得下熟而暴風爲孽於垂實之時收數不能什六比郡游饑舟楫運致者尾相銜也今在市之米殆可粒數而中下戶已無鍾釜之積矣朝廷方復轉運之舊徵邑當輸米四萬餘斛日夜鞭笞科督殆將如額而民已病矣今米價正踴一斗將三百餘儻以百金糴一斗何止倍蓰之償則必有流徙飢殍之困所以累承公檄不敢從命又况執事元奏請止於

平江常秀三郡均糴初無吳興之文則是執事已知吳興非產米之地矣今乃欲移嘉禾所賦於不腴敝邑瘠此以肥彼未燭所以也就使旋降朝旨此旨下亦已過時難輸矣伏望台照惠顧此方特寢前命豈惟某受賜實數十萬戶戴不貲之德謹專介布腹心干冒使威無任惶恐待罪之至

答顏教授書

衰羸不堪當世用尚得竊吏二千石之祿以餬其口私意吳興人士淵藪必有卓犖氣義之士握筆操牘日相規磨使不干於罪戾而到官彌月闕然未有聞也忽得來示詳復累千言析理敘事汪洋昭析若五河東傾不見涯涘固深服左右之工於文矣不知僕之不肖使有所建明以蘇民之急又竊服左右處心積累之依於仁也昔王生嘗以言警龔遂而任延亦以禮感龍邱僕無似何以得此所條預買誠中時病近歲縣官經用不足給直每後時又胥吏賕私公行更復輕重上下其手使齊民重困矯革之急誠當如


奉漏甕而沃焦釜然所陳四弊亦尚有可論者願他日更僕議之得暇時過郡齋不宣

與胡學士書


甘羅僧至奉四月五示問具審長夏向暑寓居僧廬種學味道水菽孝養文履佳福乖隔十有一年中開家國之變可駭可痛可憂可泣眾多如髮皆蒙詳敘筆勢瀾翻既喜詞藻之日新交情鄭重又諳眷與之不替幸甚幸甚所寄刻漏銘典雅似陸佐公而隸法似劉寬碑普賢像記奇崛似柳子厚而安養三贊以辭達意似玉局老人久矣不見斯作也雖自知岨嶮疲暮之人窮口談譽不能增公銖髮之重顧夙嗜在此政自不能不擊節賞歎爾百圍之木干霄蔽日必飽霜雪之摧抑風雨之震凌然後能回萬牛而中大廈古來賢聖類因流離竄逐勞筋苦志空乏拂亂然後能以名德垂世而傳後退之貶陽山投身於蛇虺蠱毒之地畫字於鳥言夷面之人後謫揭陽冒海氣蒸霧之毒有鱷魚颶風之憂可謂困

窮矣終爲一代名臣太史遷南遊江淮上會稽窺九疑汎沅湘北
涉汶泗講業齊魯困阨薛過梁鄭而歸登窮山峻谷之巔絕目
大川激流之奔注以佐其豪拔之氣而著書五十二萬餘言遂爲
史家之冠吾友頃者蒼梧之遷踰年始會恩往返萬里川陸艱險
無不歷巖壑瑰偉無不觀前二說殆兩得之豈造物者有意降大
任歟況復一二巨公軒輊而俎豆之公義既伸舊爵旋復而一蹙
青雲指日可俟則前夢不足道也某晚途薄祜第二子昨緣鎖廳
預薦因逗畱拱州與其姊及姊夫俱爲金人所掠至今不知存亡
初聞實不賴生日遠日忘偶畱殘息屏居江壘會科調不堪命避
地吳興依薄業以餬口今四年矣所居號實谿連蕢一大聚落日
須租辦而十里有菁山隱庵林谷奇勝以煙艇往來又里中屋廬
雖屢遭灰燼而書籍偶無恙近者輦至數以薦聞恐公念見及也
往嘗以韻語敘懷寄澶洲不識見之否所令作普賢贊固願以筆
舌結華藏之緣況事跡殊異如此敢不在念續當馳寄也公學識

文詞迴出儕輩豈久閒者行用矣千萬保衛以須



丹陽集卷三



丹陽集卷四

啟

謝試宏詞及三經義入等啟
 享敝帚以千金誠乖自見取鉛刀於一割大竦眾聞感藏情塗媿
 溢眉宇竊以唐室詳於取仕詞科尤盛得人陸贄以建議而濟興
 元之功李絳以忠謨而輔元和之治杜遵素削權於諸鎮裴中立
 服叛於兩河魏我勳庸輝映簡牘乃若夢得夸毗於顯仕宗元附
 麗於要臣科選雖優操行何取先帝懋廉能之眾詔書復詞藻之
 科文治蝟興卿材輩出大明繼照眾駿鼎來推擇至公勸獎尤厚
 自非文列班揚之伯仲六籍探奇學通游夏之淵源三冬擅富服
 匿識單于之器實沈窮大夏之神則何以上副旁求元膺妙簡如
 某者會粹小伎襍頑姿風流莫遶於淹中恢博顧慙於稷下未
 識晏楹之奇字迴殊汲冢之多聞糟粕習傳豈免輪人之議蟲魚
 綴緝坐貽僖父之譏迫就養於親庭勉爭雄於場籍懷鉛學者每

玷上游充賦王畿屢塵第等茂恩解褐榮路影纓讀書未逮於五
千補掾聊同於百六棲棲奧渫踽踽噉噉平亭日困於丹書商推
寢疏於黃卷聊吟招隱屢作抵疑恥爲南郭之吹竽每望西山而
拄頰靜言計議勉自激昂汨沒而抗塵則殆昧乘時進修而應令
則未爲枉己文戰更思於借一疲兵自賈於當千髦士雲翔貴游
波委敏捷爭先於倚馬華菁各擅於彫龍豈期晚生首玷清舉矧
是三經之選亦收一日之長丹桂騰芳已冒魯山之一第青錢中
選敢圖陽嶠之八科揣分無堪歸恩有自此蓋伏遇某官丕揚賢
業光輔聖時務長育於人材不遺忘於微賤黍力吹於寒谷芑過
采於中鄉遂致瑣材獲階寸進駿稱千里由吳坂之提擗珍擅二
都本華陰之拂拭某敢不退量僥冒更務就將不專事於辭華益
惇修於器業黃香學淺方求未見之書任昉恩深行獻感知之賦
兗州教授謝到任啟

熙寧元聖之嗣興起建業真儒而光輔闢邪說於去聖悠遠之後
照微言於舉世黯闇之中博延師產於東州樂育儒生於北面喬
野之俗寢成文雅記誦之習變爲討論矧茲洙泗之濱上直奎婁
之次泮宮芹藻多可薦之英才闕里弦歌有相承之聖化廣德心
者尚餘多士立公門者何止一人宜得名流出領教法而某蘭陵
族冷句漏緒微性滯少通學僻自信鵬翼九萬雖妄意於遠圖雞
跖數千每自慙於淺植侵尋仕路淹沒名場玷一第於儀曹粗承
家學擢兩科於政府濫廁英游魚緣君相之恩冒昧師儒之選術
非博習貴異大知自愧拙艱之有餘猶喜敦學之相長鄭生東矣
無著錄之門人有子避之多獻嘲之弟子尚祈善貸得至終更
與提學殿院啟

人材至難能長育則下皆樂矣治具有要善藩飾則人必親之蓋
敦龐忠厚之俗待崇養然後寢興雖溫良粹美之材非作成亦將
胥竭逃觀周室大闢經覺謂就賢體遠未足化民故尊君親上然

後興學道德之妙則崇之以四術四教技能之末則示之以六藝
六儀弊訟獄者於此而獻囚恢武功者反歸而告馘閭胥州長誰
非勸率之人家塾黨庠茲謂絃歌之地自俊士而升造士由小成
而至大成故賢能之書獻於鄉大夫成均之法掌以大司樂曰觶
曰撻小則爲偷惰之懲或寄或移大則示奇哀之恥文風郁郁功
化巍巍車書由是大同風俗於焉丕變治古既遠儒流益衰蔽小
知之自私膠大惑之易枉放言自若誠行無慙學非根道而譏謔
各有所宗辭不傳經而談談自以爲是豈昔人曠絕而難繼蓋後
世教養之無方漢有隆師之意而不能正蹄駁於專門唐有訓儒
之名而不能救奔趨於覓舉雖執經者有期門羽林之士而來學
者或且渠伊秩之首徒爲美觀何關王化俗久安於鹵莽運始底
於亨嘉當熙寧元聖之勃興惟建業眞儒而光輔革千載循沿之
弊作一時新美之材惡雕蟲害道而罷絀於辭章病邪說誣民而
頒行於義訓列經以五分舍惟三遐不作人藐王法之伊濯肆於

時夏烝髦士以攸宜然書考之法方試於賢關賓興之令未行於
鄉吏蓋欲徐徐而善俗庶幾寢寢以移風道之將行勢若有待洪
惟上聖嗣撫下民邇求厥寧仰繼承於先志不遐有佐期廣育於
英材首詔圖南肇營郊學東窮出口西泐流沙南連嶺嶠之邦北
極幽都之遠地雖僻陋人不鄙夷大開精舍而堂序翬飛眾建經
師而人材麇至日講月試時考歲升廩食之厚則輟費於戶部右
曹勸率之優則第名於儀曹南院新書始下宿學交趨尚虞崇養
之云初或致奉行之不稱矧維劇道尤籍通材因煩部刺史之尊
兼綜外諸侯之學恭惟某官心源昭徹氣宇粹純智識深湛則古
之謀人操尚高明則今之君子爰從書局峻陟憲臺凜然白簡之
威名高掩青箱之前譽自下靡上以公滅私暫勞疏附之賢屈領
將明之寄自典司於教法益眷注於淵衷久隆巖石之瞻卽有鋒
車之召
賀鄆帥岑待制啟

膺承明命釐保大邦政任舊人聯九閣而蒙福戎有良翰罄一道
以歸仁恭惟某官命世望隆覺民任重言無枝葉夙獻替於朝綱
學有淵源克贊禔於國論正容悟物直道事人回翔中外而將明
敷納皆其所長出入險夷而敦樸靖共未嘗少撓階緣初政識擢
從班龍已升雲蛇輔果聞於得所魚方縱壑鴻毛更迅於乘風諒
惟舊學之甘盤卽正具瞻於師尹伏念某愚無敏識拙謝清途粗
堅嗜學之心獲預擁經之選道山清切誰啟發於篇章泮水敞開
免沈迷於簿領繫官有守望履無階

賀充守祝刑部啟

奉詔十行分符千里凡依庇賴共集歡欣竊以未喪斯文洙泗有
聖人之化大啟爾宇龜蒙爲叔父之封矧在祥符嘗迂清蹕落成
琳館光昭受祖之休登祀岱宗誕啟格天之業在今尤爲雄鎮擇
守必付重人恭惟某官雅望濟時孤忠許國遇事奮敢爲之氣祥
刑推欽卹之仁凜凜清規夙著破邪之論優優美化久傳樂職之

詩爰從潞子之邦改涖魯侯之國吏民慕德日期抗隼之來僚屬
欽風預喜左魚之出伏念某謬悠單見委瑣凡材由仁義行期敦
學半鳳凰翔千仞分隔華途鷦鷯巢一枝自安拙宦側聞命牧竊
喜事賢倒屣以迎固非敢冀斂板而進庶或有期

與運使啟四首

督司行部懷觀攬轡之嚴履幕趨風甫遂披雲之願猥蒙折節稍
賜俛眉曹事罔功一皆實貸學徒艱食上軫哀矜仰玷照臨之私
實踰分願之素嚴疑在候廉按少勞懋惟福履之臚來獲寢之
適恭惟某官清職難尚大雅不羣智略湊上前言語妙天下美由
世濟位以才升輟省戶之名郎領計臺之膚使貯儲邦用陳陳相
因薦拔時才武武不絕屬部望風而郊往墨官投劾以去歸豈伊
經濟之賢久屈將明之寄行選於眾詳延弼后之忠使暨乃僚丕
顯佐王之業

澄清劇部久聞公子之名臨按陋邦始識荆州之面屈使華之貴

重訪胄席之敞閒精廬頽廢而興考室之謀廩食穀薄而動傾困
之意捫心無報鏤骨有銘恭惟某官道直以方性剛而塞儒雅足
以飾吏文章足以瑞朝端遇聖知肅將王命同何武之行部先卽
學官笑朱博之顯名不喜儒吏傳聞四遠慕仰一詞至於校歲計
於低昂豐匱之間鑒人倫於廉墨智瘞之際顧雖餘事綽有成功
出裕邦儲已富陳陳之積入陪國論卽諧赫赫之瞻
外臺居部久欽握節之威鬻舍繫官未遂披雲之便辱在輝庇尤
切震惶恭惟某官人品高華天資彊濟問學該富而守之以約材
猷挺拔而持之以謙輸忠自結於主知抗議力排於邦論陳寔未
用公卿媿於先登左雄所言臺閣以爲故事宜居端右協贊經綸
然利器惟盤根而後知況良馬於平路無以別暫煩智略出總賦
輿咄嗟談笑而仰給遽充移徙懋遷而調發俄集已裕九年之計
卽膺三節之趨

仰高希驥久約結於情塗入隩登龍未披瞻於神宇澄清使指託
付吏師幸茲庇存施及冗末恭惟某官識資國是材助邦臧富學
識則該綜乎九流一百三家擅政譽則并包乎四書二十七最暫
違卿月出領使星傾殫心計之勞補葺利源之人輓粟幹貨居之
便流錢知輕重之平官最升聞主知彌厚視曆案上行分優渥之
恩覆名甌中佗見登庸之兆

謝邾教授啟

摛華試席命教泮宮識拔方初升騰豈晚恭惟某官材推秀穎學
洞本源傑句凌雲遠邁杜陵之三賦靡辭折角何止韋賢之一經
果拔第於明廷復中科於省戶敢圖駕見更抵袖書用重要輕弗
悟眷存之重以多問寡徒欽謙挹之光

謝宮使保和啟

分符南土微績效之登聞序職西清荷寵光之狎至辭不獲命媿
無以容伏念某才不適時學未聞道慙不能以燭古今之理拙不
足以周事物之機技斷斷以無它但知平進老冉冉其將至實負

初心分甘棄日於簿書敢期寓直於謨訓此蓋伏遇某官明恢公
聽仁務曲成致茲壤蟄之幽亦預陽春之澤誓當黽俛上報恩勤
謝除館職啟

芝檢誕頒猥倚褒遷之寵蘭臺入直獲從英雋之遊退揣冥頑仰
慙推擇竊以登延冊府號第一官紬繹祕文非具員吏歷觀前日
率付可人爲名流待用之途亦華姓起家之選故凡青錢學士不
媿赤衣諸賢或由少訖老而手不置書或自甲至丁而卷能談事
或聚七千帙而考練或課五十紙而校求銜環奇者旬日而了祕
閣奧篇自標置者三年而隔同舍共語圖形東觀蔚爲經術之宗
奏賦南郊煥若辭華之美以岑文本之材而始願止此如張伯緒
之望而固求不遷矧昭代之恢儒幸聖皇之崇學顯帝堯文章而
飾萬物體周王壽考而蒸眾材槐市交興蓬山尤重筆新寶宇申
揭雲章老人出授於神書童子不憂於朋字荀錄虞志擁籤帶之
紛紜任筆沈詩萃紳綬而商略閒猶訛謬特重校讐言豕渡河者

三實資是正書馬并尾而五更在研窮豈容素飡以累清議伏念
某人門具下年位並輕雖問學勉企於前修而聲望不高於時輩
規規求志踽踽固窮偶屢竊於詞科因數移於宦牒主青衿之學
校久困齋鹽對黃卷之聖賢益勤鉛槧俄嬰艱棘深自屏臧摧傷
甫逮於喪除收召俾承於官乏預清臺之較曆佐戚邸之司宗坐
糜餼糧毫無功闕何言此段稍躋稠人秋蕘簡編覺芸香之消蠹
夜窺墳籍驚藜杖之分光顧惟久衰多難之姿豈圖偶得儻來之
幸此蓋伏遇某官朝廷元老學者宗師以獻可替否贊時雍以激
濁揚清昭人望顯致掄材之助仰稗序爵之公謂牛鼎烹雞用器
固難於適稱然蟻封試馬歷久始見於非常當求未見之書更輔
多聞之友措諸事業庶能酬覆載之仁作爲文詞或可頌泰平之
盛

謝監職薦縣令應詔啟

按譜治民曾微政績飛章薦士誤沐恩華自驚流落之餘有此遭

逢之幸伏念某所學甚陋其愚不移寧甘三黜之窮羞爲兩墮之計量材揣分固宜奔趨州縣之塵勞論事獻謀豈足陪輔朝廷之末議故從貶斥但自省愆惟海寧夙號喧囂在江表獨稱繁劇處公綽於薛邑時謂非優責虞謝於朝歌人皆相弔念受祿固難擇事而抵罪不可逃刑徒知夙夜在公不覺日月逾邁俗粗安其朴拙歲適會於豐穰民無推不去之謠士有念相聞之喜敢期過聽特借重言豈惟榮耀於觀瞻實亦激昂於衰懦東帶而輕五斗較德甚慙失船而得一壺戴恩惟倍此蓋伏遇某官位部刺史名世偉人以收卹淹滯爲斂材之謀以拔舉公忠爲報國之實取同爲驗宜後而先迺如亢末之流亦在獎知之數益當黽勉冀追譴訶雖絕望於亨嘉庶不孤於眷遇

賀中書舍人啟

跪恩黼座進職綸闈除目四傳輿情交喜竊以充朝廷文章之任固爲儒者之至榮代天子謨訓之言尤極士林之高選非緣素望

曷稱明揚恭惟某官忠結上知材膺世用詞華溫麗追還三代之餘問學粹純洞達六經之奧輟東膠之胄席領西掖之命書兼侍講帷仍分省事掌中抽草已光侍從之聯腹上生松行聽弼丞之命

賀耿左丞啟

光被宸輝進陪國論人惟求舊允資攀附之賢政貴有常行迪太和之治華夏咸喜天人同符恭惟某官氣稟天和時推人傑備忠孝之令德兼文武之全才知謀天下之著龜文藻人中之星斗久負經綸之蘊薦膺清切之除方睿神淵默以居潛賴耆明始終之庇○朱邸著講論之益青宮徧調護之官逮九五之時升擢二八以自輔俾司樞筦實本兵權屬強敵之長驅擁全師而深入人心恟懼神器震搖逮茲多壘之秋盡出萬全之策料敵制勝有嘉右府之樞機經體贊元遂進中臺之綱轄惟茲舊學光輔初元諒辰告於遠猷以日下於膏澤愈峻具瞻之望行膺爰立之求伏念某

涉世闊疏謀身拙直項濫尸於禮寺亦叨預於官僚實緣親依仰
窺千慮幸會獎與實積三年□茲渙號之頒深激懦衷之慶四蛇
入穴欣已附升雲之龍六鷁退飛無階同賀慶之燕

上左丞啟

被眷中宸升榮左轄欽聞誕告允副具瞻竊以經體贊元實賴翼
扶之助繼猷述事方當祗適之時厥基永孚於休惟后非賢不父
果聞耆傑入副登庸恭惟某官恪恭粹和莊重明敏學究真儒之
蘊文高哲匠之華窺行己之始終古人是尚考立朝之本末天下
具知自光贊於朝綱益允諧於人望同寅協恭而修政事遠撫長
駕而熙事功民言惟嘉國是以定逮茲時舉蕃有恩言入告謀猷
已見君陳之順后丕視功載行聞姬且之齊工

答何狀元啟

冠名英俊之躔升華圖籍之府仲舒之爲舉首啟發道真子政之
校中經夙昭人望朝廷得士寰海趨風恭惟某官學奧離倫材高

周用元元本本博窮載籍之傳濟濟洋洋蚤預賓興之列果緣健
筆力取巍科上興見晚之嗟人以覩先爲快名驚學子筆橐至於
欲燒文播都城紙價幾於驟貴敢圖謙謝亦附冗僚退揆菲材固
難當於溢美仰窺佳藻亦竊幸於珍藏

回王狀元啟

臚傳上第首冠羣英下明詔於九天恩先桂籍收大名於一日光
映儒林凡在見聞孰不慶羨恭惟某官宏材聳壑英氣凌雲卓爾
異人時推於間出偉然大器不俟於晚成以妙齡秀發之姿奉高
詣講聞之對諸老誰先夫賈傳天子親擢於平津喜賢舍之有人
掩文場而得雋惟他日公卿之路當由此而致吾君凡一時父母
之心皆聞風而祝其子華塗方踐遠業難量某久共齋鹽更窺珠
玉知洋洋於流水偶贊文衡引皓皓於明星實由聖鑒擁長笈而
肯顧濫陋巷以生光

回第一人董狀元啟

唱第中宸冠名上甲雖事從故典擁龍首以居先而恩出清衷並
桂林而擢秀恭惟某官文知體要學有淵源望久重於鄉閭聲特
高於場屋屢泣荆山之璞知者其誰獨騰豐劔之光終然莫掩遡
春官而累上霑皇澤以兼收有孤黃卷之心恥試紅塵之吏氣不
衰於再鼓人忽驚於一鳴冕旒凝乙夜之觀軒陛首春雷之震對
賢良而舉首遂繼家風起徒步而封侯更看晚節某項因乏使忝
預攸司設網於河偶值靈龜之入窺斑以管詎窮文豹之奇方喜
得於真才忽過蒙於盛禮

答盛學士啟

占桂籍之上游得蘭臺之舊物士歆稽古之力朝有得賢之榮恭
惟某官學茂大知器非近用處貴游而獨惇素尚在蚤歲而已擅
雋名混舉子以登場中有司之異等禁廷唱第名復甲於英髦宸
筆評文語特嘉於警拔遂膺溫詔擢校祕文問倚相所招之詩素
欽博古讀杜牧阿房之賦竊幸知賢敢圖過謙猥形私謝豈特借

重言以華衰品蓋將敦高詣以激媮風

答鄭學士啟

延登內閣典校中經儒館增輝士流交慶恭惟某官識探聖域文
播賢關自期國華不甘門調仕而優則學首登附試之科儒以道
得民旋預說經之選談易無疑於九事著錄何止於千人輟口舉
於南州擢利譽於東觀得時則駕方遠步於亨塗飲人以和乃過
形於謙謝佳筆但知藏弄厚意不敢當蒙

賀韓學士啟

被眷楓宸躋華芸省朝慶得人之盛士歆稽古之榮竊以挾冊校
文實重圖書之府養材待用是爲英雋之躔凡隸職於其間蓋選
賢而後授恭惟某官器識俱懋望實兩高學有淵源博綜九品之
奧文無訛馱追還三代之醇預蒞禮於曲臺復讐書於內閣鳳將
子而惟九豈媿前修豕渡河而曰三寶資鴻筆媿未遑於敘慶顧
先辱於騰緘銜感至深襲藏爲好

賀黃學士啟

被眷中宸躋榮內閣儒館慶得人之盛士流歆稽古之榮竊以昭
代右文闢三館而聚書籍上皇籲俊差九等以寵儒臣中朝方復
試選之科冊府必用俊髦之士恭惟某官豈具員吏實不羈材早
以雋名蔚有棟梁之器中緣鯁議頗妨塗轍之升道既久而日章
理亦窮而斯變登龍尾之道已敷近於清光復雁門之踦諒卽躋
於要路

答武學李博士子奇啟

曳裾見臨削牘爲賀翔鳳凰於干仞豈測雄飛享鷄鶩於九韶徒
深眩視恭惟某官器凝方重學造精微收科若摘領髭吐論如霏
木屑文詞合處曹子建何足道哉時命鼎來謝安石恐不免耳豈
伊右學能滯亭塗敢圖謙摛猥見標榜過情之譽雖非涼薄之敢
當會友之文當永珍藏以爲好
與運使啟二首

將命計臺著攬轡澄清之望尸官講肆有高山景慕之誠未晉接
於顏辭幸依棲於名德恭惟某官性天夙悟才地素優論器範則
當從古人求較詞章則應是我輩語事每試而皆可攻無往而不
宜早獻直於霜臺屢對揚於雲幄忠規直節邦朋震懼以相驚崇
論讜言國是雍容而自定暫在將明之寄少分憂顧之勤原隰光
華已上聞於功最威顏咫尺行入侍於清閒

坐曹無補深虞直指之嚴行部載臨獲展上交之禮自惟冗散方
託庇存遠爾睽離已深敦慕恭惟某官聲名藉甚器範自然軒軒
雅藻之獨持術術公才之屢試方在責實循名之際凜然赴功趨
事之能省戶司金名特高於諸彥使臺握節威自懾於屬城從容
計相之經營籠幹縣官之調度行選於眾詳延博碩之賢使復於
王展盡經綸之業

謝江陰曹縣尉龔啟

言旋故鄉方有人琴俱亡之恨敢圖都騎示以金石相宣之文仰

丹集四
惟學省之俊英早挹天墀之甲第仕而優則學不忘探討之勤因不失其親更切規磨之助遠貽華軸來賁郊廬自慙受粟之支離豈稱畫眉於渾沌徒欲借此言以增重敢不珍其貺而襲藏

丹陽集卷四

丹陽集卷五

啟

復修撰謝兩府啟

殊廷汜掃幸遙跡於臞仙祕殿疏榮或廁名於墨客稍從杖拭曲荷生成伏念某者奮自羈單進蒙簡擢逶迤持祿深戒鄙夫之事君骭體徇公妄期君子之謀道一昨超登侍從進長膠庠雖無成德達材之功粗有畏法繩愆之志欽惟寄屬每自激昂杜請託則深拂於人情多建明則顯違於時論雖學子粗安其樸拙而儉人潛議於中傷孤根易搖小器先溢青蠅交集白簡厚誣凡可排根而傾擠無不誕謾而崇飾彼正異放廢之惠固優爲掇蜂之讒上賴照臨止投閒左莠言甚巧類成葉於三年幽憤莫申將降霜於五月惟神聽之難罔而天道之好還旋聞邦誣莫逃聖鑒昇虎豺而不食禦魑魅以遠行四門穆清百揆時敘惟茲枉撓屢乞辨明敢期曠蕩之恩稍加麗正之職此蓋伏遇某官心存體國道廣濟

時惠顧窮人起伊尹納溝之念磨礪治具肩傅說作礪之誠致脫
丹書漸還清貫儻未填於溝壑誓仰報於陶鎔

汝州到任謝兩府啟

起於宮祠付之民社自顧散儒之陋謬當良吏之求亦既撫封莫
知報德竊以魯山沃壤汝水名邦密拱兩都新被節旄之渥旁連
四輔舊稱屏翰之雄當承流宰牧之權必赴功庸敏之士而某生
姿遲鈍涉世闕疏途如阮籍之窮性有汲黯之戇學初爲己妄期
造道以逢原仕□□性有汲官而徇義顧多取於公器復顯忤
於要權致俎豆楚者幾稀而魚肉涉者甚眾駭機一發溢惡交興
惟銳進之邦朋方上搖於國是從而下石易若吹毛獨賴睿明燭
知誣罔雖褫職於輦轂之下獨賦祿於湖海之濱方齊得喪於環
中而置恩怨於度外以退縮爲安身之計以靜默爲進德之階敢
覬矜憐稍加收用此蓋伏遇某官膺天大任佐時有爲積累治功
若農夫之望歲銓量人品如匠者之度材袁安不忍於錮人傅說

但期於迪后肆令衰懦復與簡求某敢不防患周身指覆車而自
戒牧民涖政憂製錦之或傷

賀趙鎮撫啟

周尊師帥之職實總全師唐分藩鎮之權旁提支郡於惟盛且復
舉舊章敷求忠亮之賢付畀左疆之重恭惟某官材資傑出智略
挺生早被眷於宸廷屢出持於使節頃當艱險備罄忠嘉諒惟制
檢之榮卽有齋壇之拜

賀運使劉龍圖啟

祇奉恩輝寵除漕寄凡依庇賴交集懽愉恭惟某官學貫儒流望
高時論以盡言不諱而挹魏第以忠懇無隱而光諫垣躋峻職於
西清扈慈闈於南上預元戎之婉畫曲盡訐謨領將漕之提封更
榮申命行聞召節入冠從班某猥以散材獲居屬郡欽聞光渥第
極歸依

賀運使郎中學士啟

祇膺詔旨榮總督司先聲所傳公議咸喜恭惟某官宏材挺特雅
量粹夷學有淵源綽著淹通之譽言無枝葉裁成體要之文輒自
望郎出當膺使諒未聞於煖席已龍拜於持荷貌是孤蹤獲棲大
庇顧章紱之所繫瞻履幕以未繇日俟按臨稟承約束
與運使啟

仕塗太鷲合歸湖海之濱朝論兼容尚叨獄市之寄幸茲昧陋託
在庇存恭惟某官敦厚而疏通粹和而端亮躋榮策府知博貫於
邱墳將命計臺復登聞於課最賦輿不擾金穀如流諒惟注意之
深卽慶非常之寵某祇膺宸檢改佩守符惟斷斷之無他實惓惓
而慕義頃棲大蔭固已荷於包荒今託提封行復欣於承教

賀胡發運啟

祇膺宸檢就陟使權統九路之輪將當列城之刺舉凡依庇賴交
集懽欣恭惟某官忠有古人之風學爲王者之事憲府夙推於忠
鯁中臺作振於維綱益隆黼展之知外領繡衣之寄逮茲推擇愈

著光華調發邦儲暫倚成於心計超遷內務行亟拜於除書

賀提刑啟

祇膺溫詔出總祥刑凡預庇庥共深欣抃恭惟某官望高朝論忠
簡上知入踐要繁夙預月卿之寵出當憂顧屢膺星使之權仁聞
贊書峻陟華貫某誤紆郡紱適邇使麾不惟仰託於眷存實幸款
承於教警

答秀州知府曾學士啟

祇奉明綸改臨重鎮幸依鄰庇遽辱書辭恭惟某官德宇粹溫詞
華秀拔世濟其美紹器業於相門官修其方敷教條於郡寄撫封
云始結課已優方聯冊府之清班行正禁途之譽命祝頌至切稱
述奚殫

賀金陵曾修撰

孝蘊啟

吳都重鎮位居藩伯之崇書殿華資職號儒林之貴時維雋詰仰
副眷懷恭惟某官清時羽儀羣辟冠冕智仁勇以兼劭德爵齒之

皆尊雖遭時屢歷於險夷而挺志弗渝於忠蓋入居朝廷則著龜
庶事出臨方面則衡尺眾材表此百城暫倚兵鈴之重閒於兩社
卽登宰路之華伏念某受知最深去德滋遠中緣艱棘久自屏藏
寢冒甄升遽罹貶逐夤緣幸會再依庇賴之仁險阻艱難尤切歸
投之素屬官常之有守望履幕以無階

賀王修撰啟

祇奉恩輝榮升論譔有識交慶不謀同辭恭惟某官學探道原望
高時論事每試而皆可政無往而不宜頃膺一札之書出領三城
之寄雖藩宣所賴因任既以累年然績用登聞襄進殆無虛月行
彼追鋒之召就頒挈橐之除某代匱陋邦依寶鄰之千萬蒙悖雅
契枉華翰者再三感愧之深敘陳罔既

回河陽王待制啟

被命十行升華南禁民遂借畱之願朝有因任之公凡預游口交
深欣抃恭惟某官天資敏銳德宇粹溫理窮性命之端事燭古今

之表英辭振玉逸氣凌雲郊桂一枝卓爾儒林之秀和松千丈挺
然大廈之資自結聖知出當方面河水東泊鄙鄰國之白圭長橋
臥波小平津之杜預報功崇德果疏持橐之榮尊主庇民行拜秉
鈞之召某備員鄰境託芘鄉雲方修慶之未遑遽騰箋之先辱其
爲感戢難旣敘陳

賀冬啟二首

一陽襲管氣滋緹室之和五物書雲瑞見候臺之應惟時賢詰繁
擁休祥恭惟某官材擅儒林望高朝論富金羸之奧學挹珠網之
巍科大邑試材鸞暫棲於積棘清班拔士鳳將集於梧桐順履天
元茂膺帝祉

清臺課曆逢七政之同躔黃祿占年見五雲之紀瑞惟時賢詰繁
擁休祥恭惟某官性天高明才地敏給敷政無施而不可涖官所
至而有聞大邑庇身暫倚撥煩之重嘉猷告后卽撫經遠之謀茲
順履於天元諒茂膺於帝祉

答周舍人賀冬啟

律回葭管登臺爰紀於祥雲星收斗躔推策載迎於長日方一陽
之來復宜百福之類升恭惟某官文秀時髦學優聖域簪法冠於
烏府侍香案於螭坳致美善於親暫屈藩維之寄告謀猷於后行
膺夢卜之求諒經剛長之辰卽有詔除之渥

謝王奉議以盛啟

寵以書辭申之文卷言溫布帛雖退而於過情字挾風霜實仰欽
於眾製聞暴公子固久見元德秀乃初頻阻傾蓋之歡深恨揚舲
之遽顧蒙縟禮加惠陳人大鼎烹雞遠器尚淹於小用明珠彈雀
珍文弗誤於輕投揣分何堪捫心知感

答卓奉議啟

載膺宸檢獲綰郡章約結無奇獨傾心於名士意好殆絕尚抵掌
於高文辱示書辭獲窺學植屈廷臣之嚴重同邑子之進趨方何
遜劉孝綽則多少俱工比鮑昭謝靈運則遲速皆美恐爲品藻之

累但深藏弄之榮

答張省幹啟

枉道見存陳詩爲賦崢嶸高論驚所養之益深璀璨大篇知見禮
之加重豫章何必七年而見威鳳蓋由一羽而知矧在上庠屢以
仲舒爲舉首獲交諸父又孰阿戎之清談契闊流離寤寐傾渴三
年於此矣固多脫穎之流一言以蔽之罕見無邪之美仰惟此賜
宜在珍藏

答孫宣教啟二首

誦汝墳之章少有三樂之意廢蓼莪之什晚興弗洎之悲比竊食
於真祠偶藏身於偏壘實先人之舊治有元祐之政聲悼歲月之
不畱愴音容之如在敢謂某官曲敦高誼追記曩游特紀述於雅
言以發揚於潛德賦五君之詠獻不待於諱辰誦百汰之金問何
勞於曲室感荷之至敷敘奚殫

談經敗績獲寄迹於小邦聞善若驚猶傾心於諸彥敢謂某官曲

敦雅好過采虛名忘固陋而寵以書辭慰孤寂而示之文軸見許
詢之遠致自爾服膺賞沈約之寄音敢忘擊節豈特珍藏於書篋
固將共託於詞林佩服至深敷陳罔既

答曹宣教啟

校藝奏名疏恩賜第事光舉首榮動朝端恭惟某官爲君子儒知
古人體學深窮於聖域文猶步於賢關千丈喬松知有棟梁之用
五枝仙桂實爲門閥之光某夙賞高文欣聞譽命敢圖謙眷亦損
書辭雖欽造述之工恐累游談之實一第溷子耳聊爲進士之階
集賢有人哉行慶選掄之寵

答張學銘啟

何武先卽學宮始之傳舍朱博不喜儒吏深惡議曹旣操術之不
同宜治道之相遠比緣休吏稍欲崇儒意雖粗勤禮實不腆敢期
高詣載以雅文施狹求奢每日慙於寒乞要輕用重亦恐累於品
題感戢至深敘陳罔旣

除顯謨閣待制謝兩府啟

白簡驟攻久投冗散丹書一洗復玷高華恩與爲新德何以報伏
念某文質無所底材能不及中會初載之博延繇常途而躡進冒
庠序師儒之長參言語侍從之流曉曉固人道之難全碌碌實鄙
心之不肯鼠銜竄藪知非容穴之謀調決榆枋不羨圖南之便果
懼謗鑠旋屏辨明起於置散之眞祠付以承流之樂土圖回百緒
黽勉二年朝廷不憶一州雖慙前咎民庶借畱滿歲粗有公言屬
積厲於衰門遽纏哀於伯氏念貌諸孤方賴同爨故菘爾邑未可
輕歸不悟衷言俾躋邇列旣忝輔郡二千石之印綬又直文考十
九載之圖書靜惟所蒙端有攸自此蓋伏遇某官股肱元聖屏翰
萬邦以佑賢輔德爲經濟之謀以遵制揚功爲寅亮之實用人
心而引類動義槩以卹淹贊翊事機獨提綱而頓領吹噓時彥詎拔
本而塞源乃因賜口之恩上廣隆寬之施西廂寓直雖叨序爵之
榮東閣曳裾尚恨趨風之遠

賀太宰啟

光膺渙號冊拜冢司周公之觀繡裳爰是皇於四國仲山之補衮
職蓋以事於一人夷夏共瞻宗昉蒙福竊以盛世以置輔爲重志
士以得時爲難抱經綸之業者或困迹於草萊都廊廟之位者或
貽羞於竹帛由才位齟齬而難合故勳業寂寥而無聞天將福於
斯民世特生於良弼恭惟某官斯文木鐸王國元龜學貫天人而
博窮載籍以來辭該象數而盡屈能言之類英聲茂實夙推先覺
之賢峻節忠規篤守後凋之操自預聞於大政益眷注於淵衷遵
制揚功中轄著彌縫之助奉公履正東臺存繩糾之功果符夢卜
之求遂冠鈞衡之峻贊又新之政已寅亮於天工開眾正之門行
共熙於帝載伏念某小器窘用孤根易搖又困風波幸託帡幪之
芘未填溝壑悉歸播植之公

湖州到任謝兩府啟

出刺周南曾微優最改臨吳會更勉後圖祇荷生成伏深榮懼伏

念某簡編糟粕之學場屋骯骯之文用此躋榮可名僥倖推移從
祿類眾狙之賦三選輒畏人慕靈龜之藏六樂就外服以畢餘年
詐分一面之符未報三年之政雖免曠瘼之責遽纏伉儷之哀未
能擊缶以忘情亟欲卜崗而就窆懇求近地稍便私門荷大臣之
用心付小磨而如志惟吳興之樂士琴江左之名賢杼峰存三癸
之名峴嶺標五花之勝白蘋洲上著騷客之風流紫花瀨邊有茶
山之燕賞敢圖推擇誤及庸虛此蓋伏遇某官惇厚惠和忠口直
亮不揚可大之業輔成不拔之基斂衽廟堂致藜藿之不采提衡
品類直桃李以無言某敢不祇誦德音勉晞循吏庶幾一得仰報
萬分

答海門知縣啟

遠貽書疏復枉詩文辭華高步於上京才義不慙於小雅舌耕滋
久瞻奧學於胷中腹橐便成湧佳言於筆下雖云出眾顧輕示人
誦讀爽然政恐文卷之盡流傳遠甚居然紙價之高仰竿牘之甚

勤識弦歌之多暇雖菁華之說目揆涼薄以頽顏不敢當蒙但知感戴

答王知縣啟

百謫交至暫整單裝兩怒旣消復還舊治口守有蒙成之幸邑子遂依仁之公竊以愷悌撫循昔稱良吏措克愉快今號軼材旣務守官固當罹咎雖粟邑換尹賞職益以卑而內史愛兒寬殿更爲最果緣公議待勉後圖願益專於所聞以卒相於予治

鄧州到任謝執政啟

愚誠上達懇求避於親嫌朝論兼容特改除於郡寄撫封云始爲分知榮伏念某才不足以治劇濟繁學不足以鉤深索隱早緣識擢嘗獲在前晚以愚忝久從外補留滯周南之境奔趨吳會之郊歲瑄七周未始僥求於內舉國門三過其誰肯致於裏言每處順以安時姑深根而盪極惟茲巨屏素號樂郊敢圖生成舉是寄屬此蓋伏遇某官功弼乃后道覺此民擴伊尹納溝之仁懋傳說濟

川之業弛張因革躋國勢於安榮小大浮沈器人材而式序肆令孤拙獲此便安韋狀員推豈敢責成於參佐召父杜母庶幾追繼於循良

鄧州謝范左丞啟

祗膺宸檢謬當方伯連帥之權趣引郡章獲繼鉅德元勳之後荷恩實重揣分增榮伏念某文不輩於時流學僅傳於家法幸緣親擢稍蠟常塗方幅員徧庠序之時五冒師儒之等暨朝廷興禮樂之際三居絲繆之官雖事功無毫髮之微而議論有金石之固豈宜乘隙遂爾易心中緣背馳久困外補蕭望之各從所好晉荀息不食其言歲籥七更詎肯僥求於內舉國門三過何階入覲於中宸惟茲大邦夙號樂土猥當出刺深媿食浮伐柯在前旣仰承於舊故鄰輝不遠又獲借於餘光恭惟某官天庭寶臣海內詞伯險夷否泰在峻節以不渝進退行藏視古人而無愧方廟堂之闕位仁渙號以揚庭獨專國柄之崇仰贊時雍之會重惟疏賤過荷獎

知近緣假道以登門幸獲望塵而侍坐加邊豆之踐仍許造於後堂窺雲漢之章遂徧觀於崇宇雖大賢折節以下士而小心揣分以難酬感幸之深敷宣莫罄

與范左丞

致虛啟

絲綸示眷藁塊奪情將正位於鈞衡姑承流於屏翰榮懷所繫控避莫從恭惟某官學洞古今忠存社稷早登文陛服在諫垣仰昭正父之功力奪乎臣之節贊禕紹述一言可以與邦擯斥朋邪三進蓋嘗及雷久持從橐擢預政機方亮采以奮庸忽銜哀而去位上方側席民亦具瞻與其失夔契之忠毋盍奪曾閔之孝果聞大渙趣使遄歸諒惟朝事之初卽播弼諧之命某屬拘營職莫遂望塵輒陳竿牘之儀少伸寰海之慶

再與范左丞啟

確守禮經蓋欲表儀當世曲從誠請是爲體貌大臣鬱四海之具瞻篤三年之通制有識交頌不謀同辭恭惟某官氣稟天和學優

王佐讜議早扶於國是忠規屢警於邦朋爰錄勳庸遂參機政王臣蹇蹇方盡瘁以輸忠棘八藥藥遽銜哀而去位祇膺奪服聊免造朝仁者安仁固不忘於子職孝子惟孝深上動於天聰豈惟君子之光實使懦夫有立

上執政啟

經邦碩輔阻窺數仞之牆刺郡允僚屢枉五雲之字瞻風莫遂結念增勞恭惟某官識遠而非小知器博而宜大用幽經奧牒盡究生民以來大冊高文坐屈能言之類獨緣儒效自結聖知涖經事而知其宜臨大節而不可奪補袞正上公之枋賜履昭戎□之權示大壯於端闈實資制作頌上化於陽館更賴燮調不違咫尺之顏如倚左右之手爰從枚卜起付鈞衡祕殿聯榮入告嘉謀於后鼎司爰立日下膏澤於民諒在邇辰更膺正拜伏念某方依覆露夙荷獎知悵滯跡於西州阻曳裾於東閣永言瞻頌難喻端倪賀提舉監丞啟

祇奉帝綸顯持使節先聲所至公議咸歸恭惟某官學窮古聖人之原材出賢大夫之右頃膺推擇人踐要繁惟摘山煮海之權實富國強兵之利變通成法內則掌於冢司提按列城外則諉之部使暫煩直指即慶遄歸某坎壤餘年依棲大庇日此軺車之至庶諧履幕之瞻

賀湖州秦守啟

對揚便殿具輸獻納之忠擢領輔藩優異承宣之寄先聲遠播公議咸歸恭惟某官材冠士林望高時論學識九流之廣文追三代之醇夙推廊廟之姿久屈雲霄之步果膺拔舉峻履高華寵之禁嚴論撰之資付之山水清幽之地自副車而陟守實聳州縣之榮觀以介弟而繼兄更作衣冠之盛事諒弗遑於煖席已夙駕於追鋒某潦倒材疏陸沈歲久亦安身於林壑獲託庇於幘幪側聞鳳詔之頒日佇隼旗之至其為欣望莫罄敘陳

賀宇文寶文

時中知湖州啟

西清寓職總內閣之圖書南土專城作行朝之屏翰命出九重之遂歡騰千里之遙恭惟某官直諒而多聞弘毅而任重量吞千頃腹貯五車詞章特擅於家聲伯仲並登於政府召還蜀道初昇乘輅改命吳興復膺剖竹光生四水榮動五亭黃蘗山前續江淹之文采白蘋洲畔繼柳惲之風流諒惟開府之初即有追鋒之召某久緣固陋生竊安閒雖陶令已歸于田園而龐公不入於城府徒託二天之庇阻修一刺之恭

賀陳大資

與義知湖州啟

以心膂臣而暫辭機政以股肱郡而來布教條旌纛再臨山河增重恭惟某官式是百辟媚茲一人文辭獨行於中朝器業藹聞於早歲繇北扉之清近擢東府之贊襄天賦之才蓋天下士而非特國士人究其實乃社稷臣而何止功臣初違咫尺之顏如失左右之手昔之往矣畱千里之袴襦今也來茲被三公之袞繡行聞召節登拜冢司

賀汪少卿思溫知湖州啟

虔命拜州差辰開府股肱帝室潤分九里之河父母俟邦庇擴二天之覆恭以某官望高朝匠學冠時髦文體要以精深器恢宏而凝劭人居九列當牒訴浩繁之司出領一麾得山水清遠之地承流伊始頌德攸同某鄉盧頃遭鬱攸之災浮家暫寓窮僻之壤退惟困躓辱在憐憫陶令已歸田園但知退聽龐公不入城府尚阻進趨

謝將縣丞汝功啟

伏蒙某官撥簿領之沈迷喜親戚之警效遠迂都騎來顧衡門寵以長笈既遂盍簪之願示之眾製更諧擊節之觀仰惟鄉曲之英蚤擅文章之譽三年學而至於穀已極淹該一卷書而立之師更求博約惟他時之所到豈小智之易量感佩之誠敷陳罔既具賀中書侍郎啟

祇膺中詔入事西臺翊贊萬幾克懋格天之業踐更三府共歆稽

古之榮渙號誕揚敷天咸喜恭惟某官德尊一代智傑萬人眾推為王佐之材自任以天下之重體道則六通四闢而咸在應事則千轉萬變而不窮早被簡知亟躋華顯伯居常伯適在版曹以邦用封靡為近憂以民力凋耗為深思閒緣造膝之對力陳逆耳之言不患失於在前寧輸忠而補外屬嗣皇訪落之始當強鄰俶擾之機采入都城日有舉烽之警環觀諸將誰為戡難之人旁采師虞顯疇嘉績起公於師帥之任付公以宥密之司旋降芝函改臨鳳沼光輔惟新之政大開至正之門載績武功以銷未形之患誕敷文德增築太平之基式副具瞻行膺爰立伏念某多仇少與數免稀遷迹滯南冠莫遂望塵之幸魂飛東閣徒深頌德之誠賀范畱守致虛啟

爰擇剛辰已開畱府陵寢增重崑崙有光凡預庇存交深欣抃恭惟某官經邦碩輔命世真儒以堯舜孝弟為尊主之謀以稷契忠嘉為奮身之道早躋大用蒞經事而知其宜自勵匪躬臨大節而

不可奪頃輟燮調之任一蘇眾大之區暫以居畱著赤舄凡凡之望行聞入相賦綠竹猗猗之詩

賀平江知府胡舍人

奉選勞之新渥躋對次之舊班屏翰有光朝廷增重恭惟某官英豪閒氣進德名儒學窮六籍之醇文起八代之陋討論潤色崖因珠而不枯險阻艱難草以風而知勁顧惟劇郡既訖外庸龍已升雲乃眷攀鱗之舊魚方縱壑更逢激水之寬諒在過歸卽膺巨用澆瓜爲惠坐令一境之安采菲不遺更荷五雲之及

賀吳少宰啟

顯膺綸綍冊拜鈞衡一言興邦獨定公於社稷百官承式亟冠位於疑丞天人具孚華夏咸喜恭惟某官膺天大任爲世真儒早以異材徧躋膺任紫微司制眾欽華國之文青瑣納言自許經邦之策謀猷屢告權近不容久安均逸之居益養具瞻之望繼鋒車之峻召陟玉堂之近班凜然松柏之後凋卓爾著邇之前識臨大節

而不可奪可謂稷契之忠遭變事而知其宜贊成舜禹之事俄寇氛之倣擾致神器之震搖諸老生語如寒蟬見大夫竄若狡兔天祐國步公輔政機智略如神而從容於倉卒之時言辭如湧而啟發於睿神之聽力排出狩之議坐成堅守之功不移宗彝再造王室宋昌之迎代即謀協天心謝安之擊淮淝威破寇膽爰膺帝制進秉國成大開眾正之門力贊惟新之政竄斥壬佞拔舉滯淹形孝愛之風念宸衷付託之重謹號令之出繩祖武艱難之初太平之期指日可俟某羈單乏助樸拙自將欣聞大號之揚倍激懦衷之慶

又賀少宰啟

光膺典冊進拜鈞衡君陳之人告謀猷久隆帝眷周公之不視功載遂總國成綸綍誕揚朝野交慶竊以坐廟堂而謀王體秉機軸而亮天工上則燮和於陰陽外則鎮撫於蠻貊用人得失繫國重輕故當光明盛大之時必有魁偉俊傑之輔假羽翼而橫絕疆精

神而折衝恭惟某官本朝宗工斯民先覺有經天緯地之文而濟以淹該之學有尊主疆國之術而持以肅括之誠方掄材三舍之初卽冠名羣俊之上紙價驟貴眾共服於文鳴帝席屢前上特驚於見晚粵從詞禁擢預政機遵制揚功上繼承於先烈料敵制勝盡開拓於故疆果符審象之求亟付贊元之重無偏無陂已簡記於淵衷有猷有爲於擴攄於遠業伏念某斗筭小器刀筆下材冊府徵文嘗預後遊之末銓曹浮食亦叨職守之聯流落七年浮沈三郡欽聞大渙竊抃危悚久困風波今幸併幪之庇未填溝壑永依播植之公

賀張樞密啟

被宸廷之優眷升樞筦之要塗國步必安海隅相慶竊以朝廷之基大治獨倚柄臣外域之擾中原無甚今日協贊中興之業實賴本兵之賢蓋時平則庸常措畫而有餘運否則雄傑馳騫而不足既選於眾必惟其人恭惟某官學窮載籍以來文冠能言之類屹

然威望之重何止金湯淵然智略之明共推蒼蔡蚤緣際遇亟踐高華執憲霜臺繩糾著正人之效摛詞禁苑艱虞繫內相之謀果采眾諧遂膺大用坐運籌於帷幄方折衝以精神飭武備而俾姦凶褫魂敷文德而俾民俗按堵而其身投真館名竄丹書雖王陽在朝不敢效貢公之喜而干木既進亦竊預西河之榮

賀樞密啟

光奉宸輝峻升樞筦詔頒夷夏喜動兵民竊惟宥密之司實負幾深之託載用有嗣方備預於武經克壯其猷宜倚毗於人傑惟智局之劭故足以訓齊軍政惟威望之著故足以懼服遠人果緣公論之歸寵付戎昭之重恭惟某官生逢休運自致亨塗早攄告后之嘉猷久負禦戎之上策謀略之重則隱如敵國名節之懋則配彼土臣昨困險艱草因風而知勁退從閒左寶在夜而愈光召還喉舌之官遂正股肱之任握兵之要雖倚重於珠鈐秉國之鈞卽奮庸於右畫

賀富樞密啟

拜恩丹陛冠位紫樞萬口騰歡四方聳聽竊以明主有興衰撥亂之志惟得賢則能亮天功蓋臣有見危授命之忠惟得位則能奮賢業上既有特異之眷下必收非常之勳恭惟某官德量深醇謀猷宏遠直諒本於世閱忠義出於天資責難之恭以文武未墜於地將順其美非堯舜不陳於前早緣補衮之司進貳本兵之寄坐攄素蘊入贊沈機挺挺祖風夙秉威懷之略蹇蹇臣節大施經濟之才果協師虞進長樞筦方將艾夷氛禔盡闢漢唐之士疆崇振紀綱恢復祖宗之勳業某方縻遠郡阻慶高閣頌詠之勤敷宣罔既

丹陽集卷五

丹陽集卷六

啟

謝修撰啟

庇身閒左分老明時通籍禁嚴忽膺舉命人皆憐其愈鈍已獨愧於乍賢伏念某拙昧趨時愚惟信古在絀冕則多仇少與於塗轍則數免稀遷昨罷一麾今踰六稔惟悴自驚於黃馘飢窮殆類於白丁雖榮滯推天分以自安而出處繫人臣之大義念國步多艱之際乃臣工致命之秋既不能畫半策於聖天子之前又不獲效寸勞於賢大夫之後捫心自歎顧影知慙忽玷高華實為僥冒此蓋伏遇某官中興佐命先覺上臣念掃河洛之塵將廓清於寰宇必擴山藪之量先廣拔於人材愚智兼收功罪咸錄袁安以不錮人為德荀彧以能盡善為功杳杳鈞天昔已甘於夢斷迢迢星漢今或望於槎通尚覬異時得酬洪造

湖州到任謝兩府啟

浮家四水初爲習隱之謀出命九閣誤玷惟良之寄免寒塗之偃
薄卽官次之便安自爲之謀不過如此伏念某材非大受學第小
知少不自量冀亨塗之接武老而多難潔孤迹以投閒方且賦歸
來篇於松菊之間詠招隱詩於雪月之夜躬營小隱以樂餘年歟
奉誤恩俾臨舊治白骨再肉雖荷生成于思復來豈無姍笑此蓋
伏遇某宮中興倚仗吾道權衡不廢窮人知聾盲跛喑之有用若
築大廈須棟梁琴檠之各安肆令寒谷之人上達細氈之聽蘋洲
花瀨敢事於燕游羽檄軍書第勤於警備
湖州到任謝監職啟

雪水便滂淝河都會承流自昔初無遺愛之在人申命督行獨荷
隆恩之圖舊仰無以副朝廷因任之眷俯無以慰民俗挽留之誠
奏職云初省躬多懼恭惟某官望高時論德冠士林當劇部之按
廉竦百城之觀聽盤根錯節方知膚敏之材聳壑昂霄佗發經綸
之蘊顧惟昧陋辱在庇存幸會實多敷陳罔既

上監職啟二首

肅將明命久欽直指之風退服允僚莫展上交之禮逖瞻名德坐
役營情恭惟某官學無常師文有奇分書林論纂實繁潤色之工
憲府弼刑夙著糾繩之譽眷茲劇部就委軼材豈惟資振職之中
聊以副承顏之便佗聞召節權寘禁途伏念某罪不逃刑貪猶仰
祿量材揣分固難造於英奇辯迹求心或未愆於治義幸茲委瑣
託在庇存

章紱之榮撫孤老而竊幸獄市之寄豈衰朽之能堪自驚流落之
餘猶玷選掄之渥幸茲昧陋託在庇存恭惟某官學冠世儒望高
時論盤根錯節而大才始見聳壑昂霄而遠器詎量被眷中宸觀
風劇部將肅肅之明命已訖外庸贊魏巍之成功卽躋近綴某方
縻賤役阻造崇墉久深仰止之私未遂景行之願恭俟按臨親承
約束

代謝改官啟

服勤書槧雅無編削之勞拜命恩綸誤被超遷之寵仰膺僭賞俯
激懦衷竊以職方辨九服之圖使同貫利外史蒙四方之志以達
書名洪惟聖朝奄奠區域尺地莫非王土黎獻共惟帝臣山川藪
澤之混殺職貢族系之紛錯宜有不刊之典以垂罔極之傳肆命
儒宗顓總書局然地遠則咨諏必廣蓋事大則討論至難子雲欲
纂於方言編詢計吏太冲擬作於都賦遠訪蜀人因命方州各供
圖志擇時髦而講貫設勸典以褒延苟非其人不在此選如某者
性愚而志癖才薄而數奇躡屐擔簦久擁經於學省濡毫操牘屢
獻藝於文場弟兄並綴於辭科仕宦獨沈於門調失壽陵之步雖
負初心讀輪扁之書敢忘素業昨備官於曹掾獲遙迹於師儒猥
奉檄書使詳輿地惟此海沂之境介於徐兗之間焚膏稽考者殆
二年跣足訪求者周五邑刊除謬誤補綴闕遺無實之言固異景
公之棗有得之慮輒獻野人之芹徒知職分之當然敢謂宗公之
過聽特形奏牘俾進官聯眄眄所加遂起駑駘之價恩華下逮更

包壘斷之羞此蓋伏遇某官道德宗師文章哲匠敷求英雋以報
聖主之知樂育人才上濟師臣之美有如卑賤曲荷矜憐卵翼以
成盡出生成之賜涓埃可效敢忘報稱之圖

策問

治德

問傳曰明王卽位建大中以承天心則庶徵序於下日月理於上
又曰天子建中和之極兼總條貫以順成天慶故善治者莫大於
建中又曰天下本無事庸人擾之爾第澄其源何憂不簡邪又曰
竊恨國家釋樂成之業而虛爲此紛紛也故善治者莫先於靖民
湯之執中舜之恭己盛帝顯王之稱煌煌於天下率循是而已恭
惟聖天子紹祚二年於茲精神所嚮天順之人應之雖庶僚百執
不足仰望清光然竊意其萬一殆專以大公至正之術待天下也
紀元詔書懇到切至士有一言及此者不以次而官使之此二三
子所睹聞也夫居尊而制四極正始而慮萬世非大明法度不足

以藩飾非廣延賢智不足以維持也今朝廷既皆知二三子其茂明之以著於篇毋使問以國事千轉萬變而不窮專美方冊也

治功
問蓋聞上古隆治之時俊良奮傑無不登用姦回諛媚無不放斥四夷賓服百吏競奮黎民醇厚風俗移易天災時變昆蟲草木之妖無不消弭休符嘉瑞麟鳳龜龍之屬無不備至郊天祀地神示顧答跂行喙息無不得宜嗚呼何修何飾而至此歟本朝受命百數十年聖聖相授潤色宏業以今觀察治效之隆豈盡如古邪其未至耶興利之要何先補弊之術何貴守成之道何以杜患之幾何務諸君具言之毋有所隱

治效

問周室之興岐幽豐鎬四易都邑修仁累義受命配天積十七王至於成康然後兵寢囹空號稱極治何其難耶唐文皇仗義晉陽不三月帝天下投戈偃革之日未久已能使貞觀之民居者外戶

不闔行者旅糧不齎何其易耶然周道陵夷既久諸侯疆大莫之敢傾郊鄙之卜卒過其曆唐至天寶海內已亂自安史首難悍鎮驕據四十八州乍服乍叛訖不能有豈治效有淺深之異故禍亂之作亦有淹速歟公孫弘誦語漢廷謂周公旦治天下期年而變尚竊遲之則圖治疑若甚易李石抗對便坐謂十年養德甫成爾天下不治要自今觀之則圖治又若甚難孔子曰善人爲邦百年可以勝殘去殺矣治果易乎又曰如有用我者期月而已可治果難乎歷觀前世通儒上品才議時政亦雜然不一或曰日中必蕪操刀必割持是說者其言剛果而必行若賈誼告文帝失今不治必爲痼疾不肯早爲豈異秦之季世是已或曰物暴長者必夭折功卒成者必亟壞持是說者其言寬緩而不迫若朱浮告世祖游意經年之外望化必世之後是已二端異焉將時勢使之然歟方文思天子在上達孝紹先猷明德臨海縣精曰治道宵旰念此至熟也將遠撫長駕并田肉刑比隆三代之盛又慮未可以歲月

幾也將興補滯弊持守盈成苟圖目前之治而已又慮不足以貽
則萬代也然則奈何諸君學優智明通達國體其盡言之於篇以
啟告愚陋亦敦學相長之義也

官制

問在昔隆治之時分職以馭羣臣因能以裁列位治稷者不以涖
水土之功典禮者不以居狂獄之任下至虞人之賤猶知守官典
衣之微不敢出位故能同德協義共圖康功何其盛也去古寢遠
官制紊亂先後失當崇卑奪倫序爵之功無復可考神宗皇帝慨
然念之遠稽成周之隆近約宇文之制肇修廢典董正治官始以
階定品而省臺寺監之儀粲然一新矣名定而實應職分而事舉
在下者思於競勸居上者易於循責品式周密濟濟乎鄉於六服
承德之時矣今朝廷紹隆前休增光潤色約循成書以詔萬世蓋
將與唐之六典並驅而爭光也議者謂曹司槩補則更有冗員文
移複重則局有滯事官司之遷徙太數司徒之弊蠹未清尚有可

論者試條陳其端以復於上增損更化助成不刊之典豈不休哉

官方

問讀先王之詩攷其風聲氣俗士大夫廉恥行義藹藹穆穆何其
盛耶仕止之義雍容可觀羞於夸毘以倖爵寵故其詩曰靖共爾
位正直是與引君當道不以拱黑爲智故其詩曰來游來歌以矢
其音質實忠樸雖在隱陋無所蔽欺故其詩曰肅肅兔置施於中
林赳赳武夫公侯腹心勤勞營職朝夕夙夜故其詩曰黽勉從事
不敢告勞此其所以能振夫國是而宣贊時雍者也以今在籍考
之垂纓縱充百執事之選者蓋鉅萬計不爲不盛矣然射進者以
奔趁街鬻爲深謀患失者以抗直敢言爲無策以至誕謾誣僞爲
罔上之姦委靡因循爲竊食之計殆不可縷數其能魁然振拔流
俗之外者亦無幾人耳豈干祿之路狃於故習訖不可變歟將播
告訓敕勸誘懲艾者未至也昔賈生有言人主所託材器職業者
萃於羣下也俱亡恥俱苟安則國家最病今諸生受業學庭有日

矣其宜據古驗今議所以矯革之方若夫庸庸守常之論非所欲觀也

選舉

問掌銓總者以用人為職能官人則振職矣若其所以振職不必問也司貢舉者以取士為任能得士則勝任矣若其所以勝任不必問也昔任昉指劉之遴謂王瞻曰此子學優未仕水鏡所宜甄擢瞻即處以要官是昔之能官人者亦因眾譽也崔郾試進士吳武陵將杜牧阿房賦為疾讀郾即處以異等是昔之能得士者亦采素論也今吏部之啟擬一以資格禮部之考閱一以文辭成法定令付在有司尸其事者雖達官近輔猶不得毫釐加損也況敢開請寄之路乎雖足以示至公而逢掖寒素欲人人稱其才分所宜未必盡能如古也議者欲少寬禁防兼采平日之眾論以為用人取士之術庶幾已仕者無淹卹之患未仕者無遺失之嗟不識其說可聽否試援古推今論之

考察

問書曰無曠庶官天工人其代之語曰修廢官四方之政行焉此聖人重世之格言也後世乃有官省則省事省則心清之說蓋搜羅之不精課覈之無法人人偷合保置而漫不營職則雖多無益也若夫百執事之選皆得真才而官使之咸修智能效見於事則豈以多為憂哉仰惟主上焦勞萬務慎擇庶明不愛爵寵以示延納雖文王之能官未有以過也異時要官顯級虛位弗置與夫閒曹複員一官兼領者今皆推擇布滿而聯事合治矣又增六察以糾愆違置六尚以司服御齟茗有使均輸有官建內外學校而聯師儒至於數百修山澤政令而命丞佐至於數千皆前日所未及者也尚慮百司庶尹不孚上意自奮於功名之塗而奉職因循姑為游食養望之計不識選除之方考課之令何修而可比於先王之盛二三子能知之乎

取士

問自鄉舉里選之法廢而以詞藝取士略其平時而論其一日凡流倖進望士閒黜非徒朝廷之深患待舉者亦病之裕陵稽古欲覈實於庠序而漸革科舉沿習之弊於是成均政令一新廣輪奐之居豐餼廩之秩慎師儒之選增弟子之員優遷補之條重請寄之罰以至於今人材之成比隆於多士濟濟之世德至厚也今朝廷欲推廣美意增建州縣學擇其秀出於等類者升之辟雍論材而官之議固已定而法則未下也諸生試論其詳以待講議局之采擇

士習

問古之儒者用於君則憂君之憂食於民則患民之患在下而不用則積學修身而已固未有救鄉鄰之闕而代大匠之斲者也今之儒服者往往不能以分義自安投罅伺隙干時射進追逐時好章交公車甚者飾游辭以誣善類倡邪說以瀆先烈彼其居心積慮豈真有意於整紛救弊哉不過僥倖爵賞偷取少頃之榮而已

勸學

問通經好學天下以鄒魯爲稱首今列學士之版者殆以千計可謂盛矣卽學新書蔽自上意加惠學者恩意甚寵遵行寢久雖十室之聚無不揭牆壁而昭示之業進士者皆所睹聞也是宜歸心慕義雲合霧集使泮林之上俎豆之容閭閻可觀絃歌之聲疊疊相屬追昔洙泗之盛顧不趨歎今則不然狃於宴安志在瑣屑甘爲自賊自暴之士而恬然無不若人之恥者尚多有之甚者掉臂於改築之宮其視黷宇廢興不啻如秦人視越人肥瘠豈能副明天子樂育之意哉語曰學如不及猶恐失之傳曰懷與安實敗名

昔人蓋有輕千里而迎師走百舍而問道者今不出父母之邦而
得自進之學誠非且暮遇也顧左計若此獨何歟議者謂攻異端
闢邪說徐以聖人之精義誘掖而開達使道德性命之固有者瞭
然神受然後能樂道德而趨嚮之勸學之序當如此諸生以爲何
如

試士

問國家三歲一下明詔獵取天下俊傑考其經以觀其學考其論
以觀其識策之世務以觀其才其軒然秀出者不旋踵而昇以爵
位招延之路甚廣眷禮之意甚隆而禁防之術似未盡也論者謂
近歲場屋有四弊不書行實一也限以定數二也冒名代試三也
挾書求售四也昔賈至議貢士欲使保桑梓者鄉里舉在流寓者
庠序推庶幾兼得士之行實今徒責一日之文而略平日之行則
可乎丁鴻議孝廉使郡國率戶二十萬歲薦一人不滿則二歲一
人故能革前日不均之患今諸郡取士寬狹至相倍蓰初不顧應

試之數而一切限以定額則可乎假手旁坐借人外助此唐弊法
也今欲得真才如之何不峻其防陳書庭中不肯露索此唐異事
也今欲觀記問如之何不覈其實考言選士近在數月諸君智策
甚高通達國體科選利害講之尤宜詳願悉意陳之將以告於春
官氏焉

富強

問懋化居者理財之義訓游惰者彊兵之術語政者莫先焉元豐
真人修明憲法加惠天下凡邦邑皆置平準局以理萬貨低昂使
重裝富賈不得擅豪奪之柄利源之人歸于公上此泉府治市之
餘意也或曰設官籠貨與細民爭銖兩之得似非王人布利之意
其說信乎陪京諸道籍剽勇之民保伍聯結教以技擊蒐閱漸可
革冗兵待哺之費此鄉遂寓軍之遺法也或曰聚不逞之人授之
凶器非惟妨農墮業且虞其嘯集生事其說信乎恭惟主上緝熙
功緒纖巨畢舉惟茲二者或置之不論或復之未盡其故何邪豈

時異事變終不可恢復歎議論之士不深覈其實而姑爲是啗啗也諸君通知世務行作吏矣利害之實其詳著之有補於今日紹隆之政豈不休哉

食貨

問生人之本食與貨而已農能修水土之功則食足商能興刀布之利則貨通然後國富民實而服教化故箕子陳洪範推爲八政之首而史家亦曰道御之而王權用之而霸古今一也方成周時天子自治者止於寰內千里而懋遷治穡之官至不可勝數後世以海宇之大生聚之富而曾無官師及於食貨之務此民力所以多瘠也主上以孝友之德紹休兩朝以神明之資勵精庶政比詔郡邑皆置農田市易之官蓋將挈提生靈納之富壽凜凜三王之舉矣今欲地無遺力而年穀常豐亡者使有利者使阜而民財不乏不識尙有以裨朝廷之憲令者乎

藩鎮

問唐自天寶失御寇盜內訌桀黠爲亂方鎮割裂史家雖具著於篇而制御得失之方論述猶未備也魏博七州傳襲六姓不沾王化者一失於僕固懷恩再失於馬希倩三失於李懷光四失於馬燧五失於田布六失於李聽其說信乎章武以元和九年秋討蔡至十有二年冬十月然後元濟授首嘗怪其以英銳絕人之資團天下之兵據人主之勢與三州之孺子敵顧乃老師曠日僅能克之杜牧謂由五敗不去詳考事實殆真有之至討成德出入十年叛渙之臣訖不能羈致闕下或謂丁未詔書赦承宗而班師者謀失於白居易庚辰詔承宗受地者謀失於田弘正其是非又何如也盧龍之地已復旋失議者皆歸咎崔植杜元穎不知制將蕭俛段文昌不知制兵或又曰始不用裴度而用張弘靖燕薊所以亡終不用裴度而視賊弗討薊所以不能復矛盾之說又將安據也會昌澤潞之功李德裕一人耳觀其抵排浮議要結外援訓師使整而壯御將使專而勇謀猷有足稱者願併論之以觀諸君博古

之蘊焉

遠識

問姦臣竊命諛媚成俗金匱大誥之書藏於海內西漢所以亡也而論者歸罪張禹閻尹擅朝擊斷無諱回天獨坐之謠譁於民間東漢所以亡也而論者歸罪胡廣豈其偏見異說苟欲惑眾歟將獨覽深識灼見基禍之自故探端揣本而誅之也齊晉之季也晏子叔向能預言吳號之亡也子胥卜偃能先見隋文帝靖三方之難破五王之謀混一南北天下仰治而嫡庶殺亂房玄齡獨深憂之晉武帝用張羊之謀仗王杜之決役不二時揚越歸附而無經國遠圖何穎者獨深憂之已而陵土未乾板蕩同轍一何標鑿之明邪且天下大物也基廣根深故無傾拔之慮苟且目前之安而不思長久之計則禍隙雖未露而識者寒心矣方策所載諸生講求孰矣悉條舉以告愚陋者

靖民

問盤瓠遺育介恃險絕敢以烏合之眾騷繹吾圉雖蚍蜉蟻子不足汙刀几然邊氓一有不被浸潤之澤者上聖所戚也於是起沈英於久廢而屬以干城之略侈任職之不虔而詰其諱盜之因赫然興師洗滌區落詔使節方及境而兩路之捷至矣歸我舊境錫之新名而慎簡守將以綏撫之甚盛舉也尚慮遠人歸附之始所以招懷安輯之方備豫長久之計有當議者幸詳著之

律令

問律令之學號為較易然區別綱條貫通倫類意論輕重慎測淺深使纖微曲折無不與郵罰相當非積日究習者往往不能通其旨神宗皇帝睿慮及此始建東學以處士張法科以取人又命業進士者皆試律義庶家修人習知奉三尺以從事且涖官弊訟之際無致紛紜枉撓之失而惠澤延及於齊民慮至遠也後之議者以謂經術儒雅自足飾吏事雋不疑北海一文學而能決疑獄徐有功東郡一明經而用法無冤至杜周張湯輩號明知憲令而弄

文獻法至使人重足而立且吏道自有資材何至使待舉之士散
精神於末學由是附律之議廢格不用今欲取元豐之美意附益
於取士法中二三子以爲可否

丹陽集卷六



